



1 4
1548
25



14
1548
卷 25



林花盒詩劫餘草自序

曩余刪存舊作古近體詩一編庚申四月失去初意從此不作詩矣及來浦西避亂窮鄉羈棲踰歲無書可讀無友可談并無地可遊憩悶極輒復拈小詩以消旅寂率臆而吐信手而書等諸邨曲山歌不自知其工拙也惟以年老氣薄所存多五七言律絕古體僅偶為之隘陋之譏知所難免或語之曰唐之許渾秦系宋之林逋不皆僅以近體傳耶君何自歉焉余曰之數賢者近體各有名作自足傳世不敏則安敢援以自解乎然則君之存此何為曰古人云家有敝帚享之千金拙詩雖無

林花盒詩

自序

昭和十八年
三月五日
購求

可取錄而存之亦聊託於敝帚之戀爾

咸豐辛酉初冬之月十如居士葉廷瑄自識於古烏涇
寓舍昔年七十

Blank space with vertical lines, likely a placeholder for text or a decorative border.

少歲從師埋頭帖括中年閱歷粗識讀書家難許更客
遊遠邁廢書自悼俯仰無聊惟惜歌詩用消恨緒隨手
散棄錄稿無多刪汰所存裁三百耳置諸篋衍不欲示
人庚申竄避展轉遺失等之泡影亦遂已矣比來滬上
稍有新篇觀新索舊友問沓至燈前枕上默想沈思事
類捕亡情疑尋夢蒐羅補綴二百未盈長歌大篇不復
能憶讀書無成學詩亦爾姑錄是帙志我媿思覆瓿投
溷一任世評獨立蒼茫喟然撲筆

同治壬戌八月之閏二十有八日十如居士自題

紅紫紛千朵蘭陵妙製傳一雙嬌女手八十老親年南

梅丘書

可取錄而存之亦聊託於楮帶之戀爾

同前王叔八氏之閨二十有八日十取鼠士自獸
關舍其母信離立蒼莖即然對筆

翁翁書無如學書衣爾故裁景神志并賦思費酷對
賦賦之計錄喜莫莫羅爾發二百未盛身端大篇不野
醉百祿篇贈祿索書又問省至登前林上想慰此思事
人夷申窟繼舞舞夫華之所邊亦教与矣出來賦土
錯棄幾醉無之冊太佩齊詩三百耳置齒齒不為示
燕燕燕窺書自軒樹叶無哪卦昔端端用前則醉翻手
少燕燕相野野神卦中平閱想醉端端書案教也更容

梅花盒詩卷上

吳縣葉廷瑄調生

憶存草

小雲棲訪周忠介公讀書樓次王箕山廉訪

廣言

壁間原韻

招提閒訪竹間樓為仰孤臣舊跡留榜字尙看凝碧血

小雲棲三字公被逮時所書

書聲如聽落高秋遺文零落埋千古故

宅荒涼傍一邱

公著作甚多難後為戚吳某焚棄宅在墓東林家巷裔孫居之

憑弔忠

魂有名宦薦殞不藉老僧謀

蘭陵孝女花

紅紫紛千朶蘭陵妙製傳一雙嬌女手八十老親年南

梅花盒詩

卷上

一

國有春色北宮無古賢寄言閨閣裏莫但愛花妍

讀內弟陳朗玉通守裴之湘煙小錄綴成韻語代

寫哀思朗玉有姬人婉君之悼薈錄其堂上暨家

人所作誄傳哀詞并同人題詠諸作又自

撰香碗樓憶語及夢玉詞輯為一編阮芸臺先生

取凌忠介公湘煙錄之意為題此名余既題二十

絕句復附紫玉西風遽化煙霜禽情海恨難填誰知香草靈均感

詩讖先成十載前

定情本事最風華傳遍青溪姊妹家醉倚玉梅聽俊語

可人夫婿是秦嘉

煙江催放木蘭舟到及蕪城正晚秋一樹瓊花夢豔影

美人端合住揚州

澹掃修蛾月二分孤芳那用異香熏篠園春燕歸來後

疊損泥金簇蝶裊

寒衣鍼綫及秋忙小隊弓刀送玉郎風雪天涯能報

國幾曾翠黛怨凝妝

問疾晨昏侍祖庭齋心禱佛乞延齡千秋賢孝多名媛

至性尤難是小星

寒閨大婦病纏絲藥裹深宵手自煎甘作東風桃李代

心香一瓣祝瑤天

翦蝶殷勤寄故鄉翩翩自喜勝鴛鴦那知易醒黎雲夢

雙宿雙飛命不長

願佐蘭閨奉老親報郎豈在侍征輪綠窗記取殷勤語
要覓清娛作替人

春來小病學維摩骨瘦香桃冷翠蛾蕉萃檀奴相伴處
玉簫淒咽洞仙歌

歸省親闈強自寬人天從此路漫漫石頭城下無情水
送過明妝送玉棺

玉女投壺紫電輝房櫳永夜侍萱幃最憐病榻聞雷際
夢裏還思化鶴歸

粉盞脂奩浥淚痕妝樓深鎖月黃昏盈盈素旆空江外

縹緲先歸倩女魂

江國新涼雨又風侍郎來已掩殘紅更無通替能相見
落葉哀蟬一哭中

愁見蘇臺拂柳絲歌離弔夢早秋時雙鬟掩淚瑤笙咽
怕唱淒涼夢玉詞

妝臺愛聽雨瀟瀟更翫涼蟾倚綺寮此後弦秋孤館夜
翦鐙何忍種芭蕉

昨歲吳門畫舫回虎山清梵暮雲開前身香界司花史
環珮還依古佛來

香晚樓頭月自明蕭郎孤影坐殘更一編寫就傷心史

便抵奇香熱返生

玉色瑤情絕妙詞江南詞客弔蛾眉哀言別創千秋例

二老文章大婦詩

秋榭微波冷翠屏歸舟重泊短長亭銀箋拈出傷心句

遠笛哀秋可耐聽

乙酉秋赴試金陵道中即事同莊清溪東發朱條

生榆作

又趁寒潮到蔣州招來仙侶喜同舟未離塵網慚魚鳥

莫問風檣任馬牛科第百年成斷夢清溪近從舊書中檢得康熙乙酉科

南闈題江山六代易悲秋老親惜別還敦勉苦為浮名

更薄游

書貝三泉文煦癸未賑荒紀事錄後

名位有崇卑功德無大小誰謂施一鄉未足為世表緬昔癸歲秋灾禳起積滂田廬汨洪流巷陌橫餓殍嗟彼守財虜肉糜恣獨飽指囷誼孰敦乞米帖空好君本經濟才兼具痼瘵抱未獲民社膺先謀鄰里保同志近可邀良規古是考功雖三月終福已一方造自來荒政多所患治人少得如君數輩落落布當道假以事權優勿使文法撓歌詠春陵哀詔書淮南矯衽席登斯民此事肯草草掩卷感君懷願世長熙皞

積善菴西院觀古梅同印印川康祚未條生綸作

一徑招提入尋春興偶乘舊遊懷老輩錢松壺陳雲伯

來遊清話萃良朋樹古尊於佛花寒瘦若僧妙香同領

略塵夢澹禪燈

登黃鶴樓作

飛樓天半鬱崔嵬倦客心情到此開遠浦日斜帆影亂

高城秋早笛聲哀江山寂寞餘仙跡戰伐銷沈感霸才

題壁崔郎殘墨在吟魂化鶴倘重來婦弟陳小雲通守

劇佳去冬沒於漢上故感及之

歲暮得顧子雨晞元程序伯庭鷺吳門書賦此寄

懷卽次子雨夏初贈別二首元韻

餞春筵上話長征送我征帆一葉輕省識百年如逆旅

終期十畝足歸耕故山雲樹孤兒夢去秋纔營異地風

霜獨客情減盡吟懷消盡酒鏡中贏得鬢絲生

暮燭虛堂照影單驚心歲序又將闌他鄉魚素勞頻寄

舊侶鷗盟幸未寒孤露自傷為客早末流尤恐立身難

故園已負看花約江路梅花忍獨看

詠豹

漢口後湖有外來無賴數輩檻舁一豹索觀者

以錢得錢則買彘肉啖之豹弭首掉尾摧抑可

憐感而賦此

一別南山侶摧頹氣不伸曾聞隱霧雨誰使困風塵韜略難經世文章悔誤身雄姿終奮躍飢飽漫隨人

後湖觀水偶得絕句

漢口後湖一名瀟湘湖冬春水涸遍種菜花故

又名黃花地梅雨漲發則汪洋巨浸矣

煙波浩渺似瀟湘誰識春來菜陌黃欲與麻姑話塵劫
一年一度小滄桑

黃鶴延秋歌為黃芳谷司馬至棠作

山公習池醉逸少蘭亭遊歐陽龍門雪蘇子赤壁舟古

來才彥多勝賞每借勝地消煩憂矧茲黃鶴著仙跡縹
緲天半懸飛樓謫仙去後一千載高會寂寂江山愁揭
逢黃叔度才本仙之儔登樓曾此啟文讌招邀秋士同
延秋我來惜已晚有轄無因投主客圖存幸相示大癡
落墨雲煙道黃穀原參軍作圖卷中名作更林立快哉滿目琳
琅收想當憑闌攬秋意涼波瀉入金尊流洞庭秋聲木
葉下巫峽秋氣寒雲稠秋色紅欹斷岸蓼秋光白點翔
空鷗侑以管絃秋欲語送來風月秋能酬君之於秋有
神契仙心渺欲凌滄洲緬昔霸圖競漢季此間舊事談
曹劉散花洲上犒軍飲江東曾借周郎籌祗今憑弔戰

伐處秋江數點遙青浮太息英雄浪淘盡豈若文采能
長留期君更作餞秋集鐵笛一奏商聲謳仙人倘亦惜
秋去定復羽衣跨鶴來樓頭

鸚鵡洲弔禰正平墓

漁陽搥罷氣如雲亂世多才最惜君竟使冥鴻罹雉網
也嫌野鶴立雞羣賦辭待勒韓陵石薦表長垂漢代文
太息曹劉紛割據幾人荒壘掩斜曛

歲暮懷故鄉同社諸友各系一詩

生平益友此多聞莊語諧談總愛君一病秋風感憔悴
舌端可復氣如雲趙禮甫孝廉

吳下才人第一流修蛾曼睩自無儔廿年纔得良媒問
略慰嬋娟晚嫁愁吳侶棠茂才時方爲學使者識拔食
餽齒踰四十矣

中年身世劇蕭騷賃酒傭書興不豪但得清貧留傲骨
男兒莫怨老蓬蒿陳醉吟上舍

笑指鶯湖作酒杯草堂正對碧波開他年菰雨蘆煙裏
漁隱從君結伴來徐江帆茂才所居平望在鶯脰湖濱
飲中推大戶

酒座詩場感墜權聽松愁說舊門闌書生本色頭銜好
莫笑才人作冷官汪季白廣文家有白皮松最古聞近
將棄所居以救貧

不見莊生半載餘襟懷澄澹氣蕭疎幽蘭門巷真幽絕
恰稱伊人卜宅居莊清溪茂才

笠東詞客蕭閒甚畫筆翛然見性靈同倚垂虹看春色

桃花一簇鳴漪亭俞少甫明經畫筆為王椒翁高第家在松陵城北有笠東艸堂

十年交誼此心知篋裏猶存送別詩屈指長安花事近

春風休更著鞭遲朱條生虞部由拔萃得官時假滿將還朝併應京兆試

傷心同廢蓼莪篇孝友承家爾獨賢辛苦麻鞵風雪裏

空山曾否卜牛眠程廣堂孝廉與余先後奉諱余因避家難不得已作楚遊

新詩寄我楚江濱獨向天涯念旅人記否僧寮茶話日

梅花又是一年春管谷香茂才

夷陵三游洞明人重刻白樂天遊記鄭少山攜示

拓本為題一詩

巴峽東來勝跡稱香山逸事話夷陵偶因遠宦尋巖壑

暫借閒遊聚友朋雲外泉喧幽磗石酒邊月挂斷崖藤

多君雅慕前賢躅遺碣親搜峭壁登

客邸贈高郵高蒞船徵即送歸邗上

江左書名第一流華林秘籍燦銀鈎簪花格已邀

宸賞蒞船曾寫明鑑全帙進呈荷睿廟褒許有不讓內廷諸臣之論泛梗身仍寄客

遊半月鷗盟聯漢水十年鴻隱傍揚州烏絲滿幅珍珠

字展向臨歧總別愁

漢陽月湖隄春遊即景

東風吹綠到陂田妍暖時光過禁煙客子遊踪常懶散

梨花盦詩

卷上

八

江臯景物易留連春波小艇柳陰路午寺晴鐘花外天
最憶山塘頻買醉鄉心無賴繞吟鞭

俞少甫岳畫梅扇上自都門寄贈

故人千里寫相思扇底春風寄一枝似爾緇塵渾不染
依然冰雪舊丰姿

隴頭信早伴郵函想見含毫墨趣酣今日梅花翻舊例
卻從薊北寄江南

桃花夫人祠題壁

桃花夫人卽息夫人也祠在月湖隄上自來詩
文家咸據左傳於夫人多所譏議按列女傳楚

伐息虜其君使守門夫人與賦穀則異室之詩

要以同死韓詩外傳亦載之是夫人固以死殉

息侯與左氏所紀大異外舅陳雲伯先生文述

曾本此說作詩以矯盲左之失又考之史記世

本作文辯堵敖成王非夫人所生其說甚詳余

偶過祠下題詩亦本先生之意庶幾風人忠厚

之旨云爾

東風憔悴此蛾眉家國傷心祇自知設誓定償同穴願
報恩何異墜樓時誰憐薄命花飄溷莫信成陰子滿枝
千古青陵同怨血漢濱轉惜託叢祠

吳江王瘦梅與沂自都門寓書以鶴守盦圖索題
為賦長歌報之

王郎種梅三百樹一盦小築花間住夜深人聽讀書聲
月白香濃不知處不須翠羽啼黃昏此中便是羅浮村
有時客到聞剝啄老鶴一聲先應門青衫策蹇游京國
兩載花時歸未得繁英吹滿舊書窗鶴步虛堂黯塵跡
頻向春明憶故廬幸攜摩詰輞川圖圖為王椒畦先生所畫寒叢
細認盦前樹一夜歸心滿五湖緘書索我題長句猶記
相逢玉峯路離合雲萍又五年此情合向梅花訴我亦
塵緣未息肩故園屢負看花天春風期爾歸帆早同醉

茅盦抱鶴眠

趙竹盦

桂生

捧檄赴蜀道經漢上快敘旬日賦此

贈行

客路逢君又送君天涯何日再論文萍浮遠水風初合

雁到長空影易分名士壯遊宜入蜀才人薄宦愛參軍

酒邊更觸懷人夢薊北江南總暮雲時條生瘦梅仍留都門少甫方山已

還吳

客中為人題蘆雁小景

征途伴侶偶相依風露叢中暫息機入世早知繒繳近

謀生肯羨稻粱肥夜涼楚館銀箏歇天遠吳門錦字稀

林花盦詩

卷上

十

誰識塗鴉題句者江湖飄泊正孤飛

筆山吟屋詩全椒金子春茂才

旺華索作

怪爾毫端逸氣催凌雲勢若鬱崔嵬試看老屋吟壇啟
正對奇峯筆陣來抹月批風如有助倚天拔地始稱才
配他萬管編成筏

用隨園老人夢中事歸夢浮江一溯洄

觀子春煙波畫船冊子偶憶吳中舊遊

江南此境最銷魂舊夢摩挲尚有痕雙櫂曳聲迴綠水
千燈浮影送黃昏秋風蘋葉尋詩路細雨桃花賣酒邨
他日五湖容泛舸鳴夷名姓待君論

王節母詩為令子漢槎上舍

熙源作

夫亡婦守節事比死節難死猶血性激守必庸行完煌
煌文恪裔迺有貞節母自李歸于王十六及廿九一旦
痛分訣誓死將從夫勉奉舅姑命為夫撫兩雛豈期厄
運頻舅姑相繼沒一雛旋又摧淚枯血亦竭顧念夫沒
久未獲歸山邱一雛方稚弱奄奄將誰謀為夫撫幼雛
仍遵舅姑命葬夫與教子甘載心力竟雛今已授室籲
天為母旌天恩自褒節母意遑求名古來殉節人
一死無餘事試較母所為孰難而孰易

寄內

南浦春波送客舟流年似水又深秋憐卿力瘁營巢燕

林花盦詩

卷上

十一

恨我身成逐浪鷗夜雨羅衾應夢遠西風錦字但緘愁
嫩寒病體須珍重早雁聲中莫倚樓

金谿李香谷湘自夔州還過漢臯客中把晤賦贈

二律卽書其昔年字水省親圖後送歸故里

風雪殘年盡江湖獨客還詩才前輩重雲翁極賞其詩旅跡暫

時閒葉落荆門樹花明蜀道山一樽聽話舊聊與洗塵

顏

陟岵詩人事趨庭孝子心丹青留昔夢風雨動哀吟征

雁寒依渚啼烏倦返林望雲增我痛親舍渺難尋

鄂城拜家忠節公祠下敬賦

公諱映榴字丙霞號蒼巖上海人以進士官湖

北糧道康熙戊辰殉裁兵夏包子之難事詳

國史及志乘余於公爲族裔自幼熟聞公殉節

事今來鄂渚展謁遺祠盟手題壁以志企仰

艱難大節重吾宗叛卒鴟張變猝逢袒臂誰從周太尉

戴頭空奮段司農孤臣心跡懷中疏志士身名匣裏鋒

憑弔江城歌楚些風雲滬瀆想靈蹤

秋夜讀雲伯先生頤道堂詩續刻敬題一律時方

得吳門書卽以奉懷

聽徹瀟湘旅雁聲心香靜爇夜三更漫從色相窺文字

妙借神仙寫性情楚蜀風濤頗遠夢屬遞巴渝諸札江湖花月

又離程聞將往揚州津梁夙有平生願歸隱他年傍碧城

錢塘王第花茂才林杏屬題瀟湘歸權圖

我生不識羈旅愁卅年鄉里聊優游乘下澤車騎款段

此意直欲輕王侯前年忽作漢江客經歲勞人滯萍跡

瀟湘湖上一閒鷗余有小印刊此七字孤負頭銜還自惜春風去

年好送我歸帆峭落花飛絮滿篷窗兩岸青山如索笑

豈知塵事易牽率今年又泛瀟湘權瀟湘湖水足煙波

君昔歸去曾經過感君示我此圖冊蒼茫離緒樽前多

君家西冷山水美好景豈但瀟湘似我亦龍威舊鄰隱

碧螺峯下堪棲止何為同此客天涯猿鶴空教怨遊子

瀟湘春水明年綠相期第二圖須續未續圖中畫且和

圖中詩詩成夢渡瀟湘去只有瀟湘夜月知

詠懷和芳谷韻

此生合辦五湖舟霜梗頻年感滯留世路功名徒氣短

天涯朋侶易情投狂懷有夢思騎鶴薄技何心炫刻猴

眼底卻憐無限事幾人未雨肯綢繆

序伯索題所藏侯記原先生雲都十七郎官印事見

先生昔病錄蓋紀少年遇仙而作說者謂先生因國變後託為寓言是或然歟

家國滄桑恨未窮蓉城殘夢感恩慙他一掬遺民淚

林花盦詩

卷上

十三

都付靈談鬼笑中

賸水殘山此逸才 秬園遺址亦蒿萊 一拳留得清虛字

曾歷恆河浩劫來

印印川齋中詠蘋花

汀洲託跡久忘機 高士移栽得所依 斜日亭亭香乍斂

花過午則斂 澄波瑟瑟影偏稀 山廚薦俎宜騷客 江澚遺鈿

倘宓妃欲采西風轉 愁絕瀟湘天遠碧雲飛

為程渚蓀集義題莫愁湖圖即送赴省試

南朝樂府憶傾城 賭墅風流說舊京 賴有英雄伴兒女

不教西子擅湖名

十年未艤石城舟 畫裏垂楊又早秋 俊侶難逢良會散

一湖煙水比深愁

故人又趁秣陵潮 重踐清遊倚畫橈 寄語盧家雙燕子

舊時詞客鬢絲凋

張淵甫廣文履靜觀齋四詠

卻掃讀書

遊子風塵慣馳逐 勞生恨少讀書福 閉戶欣逢開卷時

又苦齋鹽謀局促 掃地焚香見此人 俗緣不累草堂身

十年曾賃春明宅 如臥荒江寂寞濱

停琴遲友

林花會詩 卷上

男兒束髮事縞紵口友面朋心弗許意中落落數何人
堪共平生肝膈語金石盟因車笠寒有時管鮑難爲懽
賞音易遇知心少囊住湘絃未忍彈

春郊放牧

仁人豈待事權受但觀素懷良獨厚一陂春草半畝宮
視牛如兒牛所毋芻牧當求世誚癡鞭笞誰復問瘡痍
得君數輩身司牧元氣能回百物熙

山居種樹

順木之天致其性郭橐駝言喻爲政此理還於師道該
教貴因材才始盛松柏冰霜桃李風栽培一例付園公

春華秋實都成就始信先生是化工

明太僕寺少卿徐泰掖先生遺象

明史無傳事跡載太倉州志

史局編摩失此公幸從畫象識孤忠留垣有疏驚先見

黨籍無名恥善終

官南京給諫首劾魏忠賢於未用事時故未被璫禍

肯戀閒官

隨仗馬永懷故國託冥鴻

以同卿引疾歸遇國變高隱不出

百年論定

鄉型在祇爲梅邨恨不窮

冬柳次蔣少泉

如洵韻

朔風銷盡晚煙痕無復長條縮客魂倦馬踏冰江上驛
亂鴉颭雪水邊門佳人遲暮眉羞畫名士飄零髻易髡
一自金城揮涕後歲寒心事共誰論

松陵族人朔生茂才堯莫以其六世祖古為先生

傳見示敬題一律先生諱樹人以布衣居同里鎮順治乙酉薙髮令下不屈而死

士林私諡毅烈事詳同里先哲志傳為唐陶山方伯所撰

故國降旛出殘黎脫幘收頭顱拌一擲毛髮共千秋大

節吾宗仰遺文後嗣搜著有春暉堂詩文集已刻布衣能抗志簪冕

媿名流

序伯西泠紀遊圖冊

平生慕西湖未暇謀一面聽客話遊蹤妬之輒復羨何

意措吟眸所思一一見多君手腕靈替我腰腳倦君言

湖山奇萬態令人眩煙波晴雨宜雲嵐晨夕變幽賞意

外新清景去後戀領略趣各殊追摹力難徧即今數幅

圖湖山態活見導師君肯為遊侶我自薦置身畫圖中

鼓枻春江便

頤道堂與子雨夜話出示寒檠永慕圖觸我悲懷

泫然有作

春暉逝後夜漫漫十載孤兒淚未乾重向青燈披蠹簡

更無白髮和熊丸九原應憫飄蓬跡時余復將作楚游五鼎難

償啜菽權翦燭共談風木恨劇憐身世困儒冠

丁酉正月九日偕印川泛舟山塘遇渚蓀邀飲丙

舍梅花下酒後同登虎阜閒眺

隨意尋芳一棹浮相逢近局且勾留春波淡似將離夢

野客閒於不繫舟真率壺觴便渴吻清疎林壑快吟眸

小園合結梅花社擬待他年志虎邱渚蓀有重修虎邱山志之約

春初偕印川過積善西院探梅值僧家有事深翠

堂鍵閉不得入悵然賦此

探梅年例早春天惆悵禪局此度堅一樹花如新婦閉

半牀葉擁病僧眠仙姿絕世人難替殿外小梅二株已著花僧雜指以娛

客綺障橫生佛亦憐莫問舊遊詩畫跡前年探梅曾屬友作圖同人題

詩送貯夕陽寒送剡溪船

院中越數日偕徐江帆錫琛少甫序伯渚蓀重過積善

西院得至古梅樹下喜疊前韻

東風又近落梅天重款僧廬意倍堅不負扁舟勤遠訪

偶教老衲破清眠隔牆瘦影看先喜滿地殘香踏更憐

寫取苔枝付行囊者回春色壓歸船少甫序伯對花各摹一稿去

前日印川因畏冷未同遊翌日有疊韻詩見示再

疊前韻答之

耽幽有客住鷗天印川家閣名虛說尋芳舊約堅屐齒懶從

香雪印牀頭貪擁軟雲眠閉門覓句情難忍聽雨傷春

意可憐莫負年時花事好浮生幾泛看花船

遊後意有所感三疊前韻東印川

此生定命早由天忽墮愁城百雉堅作繭春蠶徒自縛
忘機水鳥慣閒眠飢來媚俗人誰諒冷處尋歡佛倘憐
指點眼前無礙境中流容與一虛船

雪湖楊高士遺象詩

高士名菽字碩夫平望人少得異人術能前知
明末從瞿忠宣公撫廣西定寇亂王師下桂
林瞿公被難風洞山高士哭於定南王孔有德
軍前請斂其屍凡四日夜始得請並斂同殉難
諸公一時義聲動三軍瞿公孤孫爲軍中劫去
力爭脫之終護其家扶櫬歸葬虞山隱居三十

餘年卒墓在平望雪湖濱後人稱雪湖先生范
君用源得陸清獻公手書所撰楊高士詩序及
山人錢雲方外性因所作楊碩父傳因爲補象
裝卷徵題

能乞王琳首兼存李固孤諸艱曾送濟大義孰同扶藏
壁心何壯登臺淚已枯英雄有本色何必作仙儒謂卷後諸

家所論或稱其已成仙或惜其未學儒

遯跡遺民志悲歌俠士風故人已歸鶴忠宣夫婦歸櫬時有雙鶴飛來

集其先世會元坊上此老竟冥鴻煙水餘生託兵戈舊夢空百年

留面目浩氣尙如虹

過通濟齋訪覺阿上人祖觀賦贈

心事誰憐詠鮮民早從塵海悟翻身傳經父是開山祖
杖錫兒仍負米人一鷗寒香供潔養數峯遙碧認禪鄰
齋居祇是家庭景惜少天親證夙因弟某同出家名不退已逝

借內子萼仙放舟過積善西院探梅疊去年韻贈之

春風雙載鏡中天一碧溪流解凍堅經歲相思酬夙願
隔宵預約損清眠便期泛宅長偕隱莫擬窺粧偶見憐
花海煙波知更勝婿鄉何日共移船西溪花海梅花最深處也外舅雲伯先生有花源艸堂在焉

序伯來復偕過積善西院看梅有詩索和

看花不厭數好友况同過一院晝疑月半溪春始波禽
聲散風竹人語入煙蘿濡筆重摹影離奇認舊柯序伯花寫一稿去

戲題鍾進士象送人從軍

一劍能清孽海塵即看鬢畔已回春象簪紅梅一枝誅奸磔鬼
尋常事灑落如公自可人

浮世勛名本夢中書生發憤竟稱雄祗愁別有終南徑
談笑無勞計首功

早春同管谷香蘭滋入山過無隱庵晤小衡上人

閒話谷香先得詩次韻

林谷春回黛色含步尋蘿徑到精藍梅身似鶴橫當路
松影和雲浸一潭題壁紀遊嫌著跡愛山券隱亦成貪
題名住山皆是日所談廿年塵夢仍難醒欲與禪那仔細參

石湖石氏祠中新構水閣可攬湖山之勝春晚過

訪眺賞彌日梅孫茂才麟索詩偶成二律次章兼

紀是日湖上遊踪

觀禮升堂憶昔年前年祠始建曾來觀察看山曾訂再來緣全收

好景初開閣快續清遊又穢船遠水白含帆外雨羣峯

青倚鏡中天此湖合待君家住鑑曲高名許其傳

討春扶醉踏長橋勝侶相攜不待招吳侶棠石芝泉古木叢祠

懷舊隱范文穆公祠相傳即別墅遺址集中所謂石湖舊隱也野花輦路感先

朝人來蕭寺鐘初動佛去空山墦尚標楞伽山寺數年前為大府所毀

僅存墦身子立十里菜畦黃潑眼歸舟那惜暮江遙

辟疆小築詩為顧湘舟沅作

名園竹樹鬱蒼煙東晉於今逸事傳漫訪叢祠尋古跡

謂偽刻況太守辟疆館記所云王暢甫黃蕘圃二公辯之已詳嚴問樵為湘舟作記尚沿舊訛且營別

館繼前賢圖書似擁金樓子風月宜招玉局仙構藝海樓藏書

甚多屋與蘇公祠鄰他日來遊應識我墨緣契合已多年

軍門陳忠愍公遺象

海上長城失江東列郡驚文淵尸竟裏先軫面如生諸
將心肝共麾下多從殉者遺民涕泣傾威容留片紙尙足懾蛟
鯨

韋君繡光徽築生壙於法螺庵旁索詩以紀

悟徹無生旨勞生汜可休偶然盟息壤卽此亦浮漚古
寺萬花白空山明月秋吟魂他日寄應許我同游

劉丈礪香徵得遠祖雪樓處士遺硯拓題款見示
徵詩硯爲吳君雲亭所贈

舊家片石等遺簪意外重逢感倍深曾佐軍書儕盾鼻
處士生元末因寇亂曾起義兵保鄉里幸留款字做碑陰背有雪樓二大字下爲處士八

世孫琛題記還珠敢忘良朋誼完璧能安列祖心一代流傳
佳話匹兕觥歸趙共高吟

題濠上江氏讀月樓

雕櫳深處不知秋靜夜攤書月滿樓但卷湘簾鋪棐几
比他升屋自風流

碧天涼浸畫闌干塵土濠南此境難卻笑當年元敬宅
一燈風雨太酸寒

題袁生錦湖文瀚夜唸樓生家以米爲業樓名用周青士故事

春杵聲中筆硯安小樓燈火出河干不妨高唱驚人句
隔壁今無渴睡官

茶冷香銷獨夜情苦吟那惜送殘更憐才可有鄰家婢
為爾寒機徹曉鳴

此沈歸愚宗伯未遇時事
見郭頻伽靈芬館詩話

明金孝章先生象

舊藏先生畫梅冊乃甲辰花朝前五日山中看

梅還所作今春余適探梅光福諸山歸後得韓

丈履卿崇借示雙林巷吳氏所藏三友圖象敬

摹一本裝於梅花冊首并系以詩

雙林里溯風流遠

吳氏屋即先生舊宅
春草閒房尚在

三友圖傳契合真

能識先幾辭世網更堅晚節棄儒巾生來自具寒梅格

劫後閒看小草春

汪鈍翁撰先生墓誌云明亡吳中好事者皆棄巾服以隱者自命天下既

平初終一節
實無幾人

百八十年遊躅繼墨緣重拜畫中身
得遠祖石林居士孔耳石題名拓本敬題

石高四尺許色黑水紋甚細正側有大小兩穴

形如人耳故名背近巔左行刻十八字曰少蘊

無言慧覺道人宣和癸卯四月辛亥同來無言

者長興劉燾之字無言善書而於石林公為前

輩今名居次當出其手癸卯為宣和五年即公

卜居卞山石林谷之歲蓋此石本卞山厓壁間

物卜居時偕無言閒遊題記故有同來之語後

人見為二公遺跡乃斲取藏之耳若癸辛雜識

所記玲瓏山歸雲洞無言石林題名雖同在癸

卯歲固別是一石也按陶宗儀遊志續編采石

之遊在癸卯三月十六日同遊者
尚有葛魯卿林彥振莫彥平三人

吾祖昔歸隱卜居蒼弁岑開蹤留片石古刻重兼金異

代蒐藏癖向藏長興丁氏今歸武林汪氏名家箸錄心

錢氏金石文跋尾阮氏
兩浙金石志皆載之誦芬餘翠墨緬想舊巖林

事繼向禽跡人邀支許儔濡毫讓前輩蠟屐紀新遊避

暑應忘話避暑錄話多記山
居事獨未及此歸雲更待搜乖龍誰割耳

猶幸免封侯良嶽奇峯封盤固侯者采之
洞庭西山後為金人輦去

毛叔美慶善以其配顧晚芳夫人所撫松壺子梅

隱庵圖遺畫索題

畫手鷗莊逸趣賒松壺子居西
冷野鷗莊一茅庵擁萬梅花卻勞

茂苑佳人筆重寫孤山處士家屬稿待郎供鸚鵡硯展圖

呼婢舉鴉叉祗憐清夢羅浮短紅豆樓高月易斜

往事淒涼一幃存難忘茶熟與香溫愁看碧嶂低鬟影

猶是紅閨舊手痕花海竟虛偕隱願月林疑有待招魂

感君弔夢歌離意忍作雲煙過眼論

徐侯齋先生自畫澗上草堂圖畫為毛叔美所
藏絹本立軸

地老天荒此閉關澗阿高躡渺難攀早嫌黃綺輕歸漢

不諱巢由竟買山世外心交甘共餓嘉興李潛夫不輕
受人物先生謂任

其餓死門前節使悵空還撫部湯公屏騶從再訪不得見歎息而去殘縑莫

認盧鴻筆盧鴻嘗自作嵩山草堂圖中有滄桑淚點斑

回文鏡齋主人小影

清寒家計賴卿持補屋牽蘿事可知似此焚香擁琴坐
廿年曾遇幾閒時

縞綦聊樂不嫌貧梁孟居然見古人裝點山家借隱趣
芳蘭修竹一林春

大石塢紀遊和沈石田先生元韻

端居忽不怡出郭思載酒西山多奇勝大石久翹首良
朋興正同佳辰晴亦偶拏舟波路遙策杖石徑陡十年

慕林壑到此開笑口庵倚峯腰嵌樹迸巖腹剖危嶂驚
鸞聳飛梁瘦蛟走遊客屢忘疲山靈真善誘幽討綠苔
坡小憩啟竹牖泉甘勝醍醐碑泐類岫嶮舊遊孰可擬
洞天歷第九亦欲效前賢題名記誰某庶留文字緣不
隨臺殿朽坐待山雲歸倏焉變蒼狗

覺阿上人索題乞琴圖卷

洪君忍甫藏甘白居士張子宜紫瓊琴上人乞
得之屬顧君菑塘作圖自題五古一篇並索同

人題句

爨下材真遇賞音故交許贈亦情深怪他萬念皆空後

獨爲枯桐忍不禁

果然異品匹靈開不羨嘉名綠綺臺閒臥梅花伴枯衲
此琴也似出家來

高人自樂隨緣助釋子偏勞報禮忙比似媵琴留韻事

琴媵軒海昌查梅史事畫圖聊作聘錢償

百年甘白渺遺編剩有龍腰異代傳一曲招魂草堂夜
定應相約薦寒泉

華嚴小劫誤塵遊羅刹相逢等海鷗應有新詩更馳慰

冰絃無恙奏歸舟今夏上人雲間返棹遇盜怯篋獨還此琴

題貝子木青喬咄咄吟

慷慨從軍樂悲歌行路難正愁兵氣惡那得賊心寒師
已奸胥漏刑偏愛將寬此中成敗局冷眼有人看

浪設翻城策同糜報

國身英才誤庸帥敗績見完人帶汁逃羞亮張髯怒奮
巡忠魂奇句慰斗大走青燐

幕府清流集軍門廣廈開鳳鳴驚一士狗盜笑羣才義
旅官能冒奇功敵亦猜勞君磨盾記抵得策勛回

並海鋒纜挫橫江燄又驚帳中方坐嘯城下已聯盟券
合藏金匱錢難算水衡空教投筆者詩史擅才名

輓顧石衡茂才一鳴卽題其編詩圖遺影

願輯風詩一代陳吳閻高築選樓新才多自昔能妨命

志大偏教早隕身野史亭中傳有例君編詩欲仿中州集人各系以小傳

附載逸事別裁集後續無人所編直接國朝別裁集後已得千七百餘家纂書未

竟修文召痛拾叢殘白髮親父尙在

魏大和三年銅熨斗詩沈匏廬觀察文濤屬賦款

刻於熨人跗上文曰大和三年二月廿三日申尙方造銅熨人熨斗重卅四斤十二兩弟百六其制

度年代匏翁考辨甚詳文多不錄

威斗曾將漢室傾當塗遺器製尤精奸雄運各殊衰旺

新莽知難熨恨平王莽威斗卽熨斗之制所自昉

識文石馬亦堪哀魁柄潛移國祚摧留得一杓含古綠

八坊幾輩手持來明帝於芳林園立八坊以處諸才人見魏志裴注大討曹識文亦見是時

漳水臺傾蔓草秋摸金尉早鴨鑪收近人有藏銅爵東閣鴨鑪者孟德款

漳河淘得字俱全云從熨人倘憶初辭魏定學銅僊淚暗流

廿八文全款在跗詩翁手拓更摹圖唵餘引我遊山夢

斗柄尋秋入五湖西磧山北麓有崖名熨斗柄境絕勝石田六如皆有圖

丁未正月十有一日泛舟山塘登靜觀齋閒眺偶

憶丁酉正月之遊卽用壁間舊韻

春遊無定似雲浮老去閒情觸處留七里鶯花迎舊客

十年身世又扁舟溪山勝地貪行腳衰病餘生快縱眸

題壁重尋故人筆劇憐宿草兩荒邱丁酉同遊者卽川渚蓀皆有和作今

俱下世
多年矣

朱子鶴 和義

萬竹樓

子鶴善畫竹藏有雲林萬竿煙雨圖故以名樓樓前實無

一竹也

畫竹原須胸有竹頃刻槎枒吐滿幅取之無形萬象森
安用篔簹繞我屋煙雨橫飛四壁春一樓如倚渭川濱
蕭疎自具高人格中有雲林墨瀋新

匏廬丈屬題河朔訪碑圖紀守真定時事

碑幢朔野半蒿萊訪古曾邀五馬來
龜螭都識使君才漢唐經史供商榷
河嶽風煙入鑿裁
欲乞行滕分翠墨三公片石等瓊瑰
光緒四年三公山碑湮沒六百餘年

訪得復傳於世見丈所撰常山貞石志

匏翁昔嘗索關午亭太守作圖紀與李子文孝廉

恒陽訪碑事越數年李君卒關君遠宦滇南匏翁

自題清平樂一闋志存沒聚散之感屬詠其意

一編貞石志恒州曾共心交蠟屐搜文比歐洪增妙跡
地當燕趙快清遊十年感逝填詞夜萬里傷離讀書秋
今日劍池閒剔蘚南來鴻爪又看留
匏翁方欲搜拓虎阜石刻並擬題名

劍池壁間

序伯摹先外舅雲伯先生遺象與平日所得尺牘

合裝成冊見示感題

林花盦詩

卷上

七

碧城已返謫仙人弟子招魂意苦辛摹得歐陽遺象在

果然蘇本獨傳神

用陳后山語

孟公尺牘人爭寶況有師門道誼留商略文章感身世
此中字字足千秋

雲亭奇字君曾問韓集遺文我待編各有瓣香心事在
酬恩何日悵華顛

序伯以夢隱記見示題後

一覺青山夢三生白業禪虛堂還本相初地證前緣僧
縱秋衣雨人鉏廢礎煙此間堪券隱行腳惜年年

亡友印印川舊有風雨聯吟圖王椒翁所作紀其

少年時兄弟舅甥吟社事也身後落常賣處余以
他畫易得重裝題紀

身後圖書散若雲偶從尺幅挹餘芬蘭亭肯換崔徽畫
此例援來特為君

後死居然責已酬聯吟一序蠹餘留

余與同人為印川輯刊鷗天閣遺著

初竟印川自撰風雨圖中主客應相慰冷月荒墳共唱
秋

風雨聯吟圖索印川舊交題詠既滿再系二絕句

三年心事此時消遺畫徵詩當大招定有吟魂來入夢
夜窗風雨正瀟瀟

也知過眼等雲煙無那寒壚別恨牽留與詞人更懷古
百年殘墨護鷗天

冬日遊堯峯鳳巢庵有懷覺阿上人

筍輿步步踏煙嵐夾徑松篁翳蔚藍僧舍小於巢綴壁
齋厨窄若甕浮潭山將花作諸天供蠟梅山茶盛開佛許泉分
下界甘汲獅乳泉攜歸莫怪禪那曾券隱幽棲我亦願同龕上
有鳳巢券隱圖

班婕妤團扇驚秋圖

玉顏遭妬最堪傷忽入西風扇影涼若問昭臺宮裏事
篋藏猶荷主恩長時許皇后居昭臺宮後以事賜死

漫言見事到秋遲同輦能辭寵遇時翻羨南朝歌婢好
流離扇底有郎知

竹隱山房贈鄭幼真杰

萬竹綠無際一峯青有情草堂佳處構高臥足平生身
入輞川畫人傳谷口名侯封千戶富那及隱君清

礪城雙貞詩

嘉定黃君潛夫子宗魯聘于胡三子宗英聘于
葛潛夫故後數年二子相繼殤胡矢不他適歸
黃氏素多疾以歸寧卒於母家年十九葛聞訃
亦即病亡年十三潛夫尊人石香翁屬程君序

伯畫女貞木兩株作雙貞圖徵題余適讀歸熙甫貞女論韓君望沈烈女詩方欲立說辨之因卽借雙貞事抒所見焉

昔者歸熙甫箸論辨女貞女而未成婦不得以節名後來韓君望有詩若應聲斷斷談古禮析義非不精豈知熙甫晚爲張女貞節記不泥初見說已更謂夫禮教設本以率中行賢智偶或過非可常度程譬諸夷齊首陽餓尼山乃有求仁評後世論人母執一當奉聖語爲權衡我觀宋明末氣節尤觥觥韋布未委贄抗志常捐生男兒得此已殊絕何況婉變之質能以一死堅心盟韓

翁非好作苛議拘文牽義斯難平所慮庸流借此自解免有關世教良匪輕我誦其詩梗胸臆探喉聊爲雙貞傾雙貞女居膠城姓胡與葛字黃氏守貞死節同錚錚致身原不媿烈士通經那得繩媼姪正與熙甫後記合各行其志由中誠癡鈍世間萬馮道見放翁詩視此判若渭濁與涇清此事表揚足風世我詩不顧迂儒驚

次韻谷香同過積善西院訪古梅有感作時庵僧化去深翠堂將圮古梅亦半萎矣

去日駸駸似著鞭卅年幾到此堂前興亡久閱花宜老榮悴相忘佛自賢廢院春遲藏古雪荒林日澹墮寒煙

遷流莫漫悲塵劫只合癡頑學散仙

潘順之太史遵祁以乙巳假歸途中九日畫墨菊

冊見示屬題

煙江迢遞送歸舟佳節聊將翰墨酬看遍長安花事好

淡懷只寫一枝秋

丰格凌霜韻絕塵玉堂人本自傳神他年

御苑摹殊品更與鄒家譜競新鄒小山宗伯畫譜後載內廷洋菊各種頃以此書印本

見貽故云

計日尋秋故里還魏公老圃鎮常關不知綸閣裁詩處

謂芝翁歲朝賞菊詩何似蓬窗點筆閒

明季甫里許中書自昌梅花墅圖冊墅為中書娛親之地鍾伯敬有記在國初已捨為海藏庵繼復改民居今無遺跡矣圖係顧元昭臨莊平叔本不詳何處人

占得煙波近五湖高陽舊隱比仙都事經桑海皆成幻

境現華嚴亦就蕪洛下名園興廢記輞川別業後先圖

萬重香雪娛親地劫外曾留一樹無

讀劫灰錄李定國傳感題

運終陽九得斯人殘局天南繫一身諸葛出師同盡瘁

定國因觀伶人演武侯出師事感而歸明見祝宗祈死丹午雜記後屢攻緬甸欲救桂王即秉此志

亦成仁難存絕域流離子足愧中朝反覆臣鼎足何騰

瞿式堪合傳平心未敢薄黃巾

鄰友醉綠軒題壁

綠淨真可飲清陰涼一龕高人常獨醒對此有餘酣風
露醒難析煙霞癖共甘餽糟豈無客塵味讓渠耽

徐節母勁節樓詩

餘生強作廿年留淚染江楓樹樹秋徐氏舊居楓江力任家門
三世責思寬泉路一人憂撫孤事豈殊存趙臨沒言惟
屬報劉節母沒時姑尚在勁節本來同竹柏汝南圖後又高樓

袁氏竹柏樓圖亦楓江舊事

明潞王畫蘭石刻拓本

虎邱雲巖寺西湖虎跑寺皆有石刻虎邱本款題庚辰秋仲寫於萬卷書齋後署敬一二字起首長印曰大明崇禎十三年後方印二一日蘭花道人一

曰潞王敬一主人中和父寶西湖本亦題庚辰年作惟多詩二十字

玉殿清閒藝事工愛將翰墨伴絲桐王善鼓琴嘗製琴數百張傳世稱潞

琴自撫朱邱幽花格許傍緇林忍草叢弱植難扶南渡

後孤芳甘落北風中湘蘭從古多哀怨感到滄桑更不

同

天涯芳草泣王孫何處春風可托根集蓼早憂家國難

分茅空負祖宗恩心皈古佛香留影淚灑遺民墨有痕

王素奉佛杭人因王迎降得免兵革德之呼潞佛子片石長期依淨土免鋤匪種

在當門

曉渡太湖遇大霧幾至迷路收港後口占示兒輩

挂席重湖一葉輕混茫頓失曉天清蛟龍水底疑嘘氣
日月空中亦避行無復羣峯環畫障難同大海測鍼程
迷津有柁須牢把覺岸原從定力生是日舟人欲迴帆
始得浦澈

彭仲山翊以所撰移石紀事文見示為賦一詩

卷石峴衰盛高門誼士持天能將恨補山竟效愚移海

嶽蒐奇地平泉感舊時吾家孔耳在誰與返仇池石林
居士

孔耳石上有宣和癸卯題名舊
在長興今為杭州汪氏所得

題孫則莊周大瓠堂詩卷即次見贈原韻

獲誦君詩我最先此才早信後來賢自誇老眼如公路

能識孫郎在少年數年前君舅氏徐稼軒
以君所作一卷見示

朱西王井蔣淡褚仙潘功韋君沈閏逝後吳中作者稀

喜爾野狐禪不惑徑尋島佛得傳衣君近年學詩
於覺阿上人

避兵滬濱之華涇兩月冬初由泖湖歸吳門

江海烽煙迄未休思鄉聊復理歸舟世緣自悔多情累

家具猶嫌長物留細雨春帆歧路恨春秒聞訛言
遷滬實失計清霜

曉角旅人愁青浦勇丁
盤詰甚嚴戰塵纔隔隘眸豁蓬底青山作

臥遊

春初過覺阿上人五百梅花草堂茶話

探梅年例早春天舊作趁著尋僧便放船寒霧欲催干

嶂雪香風初散一林煙修羅劫重須宏願舍利光奇證

夙緣見上人有禮懺銷兵之願並話所顧況相逢如有約

草堂羨爾伴臞仙與薛塘不期而

黃仲則先生遺硯為其孫志述賦硯有先生自製銘及洪稚存太

史題字身後為合河康氏所藏近年毘陵湯紫卿為乞歸志述

太白樓中客騷壇一代尊死猶留片石天為付孤孫餘

潘膏爭澆殘煤淚有痕再傳歸趙璧聊以慰吟魂

楊大瓢山人遺象山人事跡詳舊蘇州府志流寓傳

廿年涕泣思親夢萬里冰霜出塞行楓陛陳情歸骨遂

柳邊紀事著書成依人不礙遺民後流寓長垂孝子名

世士官遊忘陟謁披圖何面見先生

王硯農之佐得伯鸞二字銀印定為梁高士物拓

示索詩

滅竈曾聞童子鴻早年名已重扶風頌辭廿四題箋就

定押芝泥兩字紅

廡下無多長物隨伯渚可有印同纍五噫歌後逃名亟

安用摹傳舊字為列女傳稱鴻字伯渚其改名則作運期而字俟光與范書異

偕隱真宜字俟光東遊惜未篆成章鳥嚶縱有懷人詠

緘札難鈴寄故鄉鳥嚶之詩寄故鄉友高恢而作亦一隱士

冢傍要離殉葬來土花猶帶漢時苔雲臺諸將勛名盛

肘後黃金總劫灰

已未夏紀所聞

黑頭爰立受恩偏報國無心但學仙不死羊城死鯨窟
惜君仙藥誤延年

羈魂應返海天東誰遞唵箋趙趙風一范自居堪破膽
翻教剖腹屬元戎

紀金吟香刺史

實樹

六安州殉難後歸骨事

恥作逃官殉此城書生能不負科名已聞故里衣冠斂
誰料荒原血肉橫入夢衛公魂有語歸元先軫面如生
孤兒遠道迎遺榭尚聽遺黎飲泣聲

補遺

春日飲孫箕哇書齋

境僻無塵到興公舊結廬軒窗皆灑落花木自扶疎課
子儲緇帙娛親奉板輿漢南繁麗地難得此幽居
勝地開吟社清遊集酒人題襟徵故事修禊趁芳辰客
與蘭分座家依竹結鄰西園圖待續占得楚江春

題子春詩卷後卽以奉贈

三年作客楚江濱攬佩論交愛此人早識因緣留翰墨
尚憐踪跡溷風塵夢回畫舫情宜醉家傍奇峯筆有神
難得應劉多妙侶鷗鷺心性易相親

謂芳谷及同客諸君

林花盦詩

卷上

三

爲人題春隄試馬圖

南陌尋春趁少年玉驄嘶破綠楊煙此時風雪龍沙外
飛騎何人縛左賢

時間回部之警

芳谷舊賦已涼天氣未寒時五章幽情麗句芬惻
動人暇日索和卽效原唱轆轤體紀其本事

已涼天氣未寒時感舊傷離一卷詩春水白魚難比目
秋風紅豆易分枝敢期縮地逢仙幻但乞回天仗佛慈
梅子心酸蓮子苦十年情味問誰知

綺閣尋芳慰所期已涼天氣未寒時雙眉懶畫思公子
半臂親添避侍兒癡蝶有緣酣冶夢春蠶無力解情絲

箇中多少銷魂事儘付紅牙絕妙詞

驅歌容易唱臨歧良會無多又別離百結柔腸千點淚
已涼天氣未寒時初心宛轉依琴軫後約丁甯託酒卮
欲把長江當銀漢靈修奈比女牛遲

境到傷心不諱癡每煩青鳥訴相思鸞箋手跡親封蠟
鮫帕啼痕半浣脂似醉情懷將醒夢已涼天氣未寒時
紫釵幽怨分明是祇少黃衫俠客知

驚鴻聽說畫中姿累我閒愁不自持散雪已成新覆水
落花猶戀舊開枝他生補過期元稹此後尋春悔牧之
證罷蘭因參絮果已涼天氣未寒時

送第花還杭州

經年客邸淡清歡臨別方知勝聚難莫惜離筵頻醉飲
須防行路慣春寒蓬窗書聽佳兒讀命子勤伯隨行水驛花偕
好友看視君霞軒同舟羨爾歸程仙境似西泠況有舊魚竿

條生假館何氏蓉江別墅為結夏之計兼踐數年

前與余卜鄰舊約有詩見示次韻奉酬

北馬南船悵別時十年未擬更連枝余楚遊後條生旋亦入都睽別數年
去歲相尋巢燕亦知安樂愛屋烏真判等差招隱歌長
君有待買鄰價重我何辭留人莫負庭前桂他日秋風
定繫思庭有老桂二株余訂條生俟過花事後去

輓王椒畦先生學洪

東南耆舊多零落一殿靈光又遽傾夏統早年傳獨行
韓康舉世識高名老從園圃徵經濟閒借雲煙寫性情
悵我春江遲鼓柁封書回憶涕縱橫

壬辰四月宮保陶雲汀制府謝偕鄒公眉觀察錫

清謝默卿貳尹元淮諸人登東海雲臺山宮保首

唱七律四章同遊諸公和之並廣徵和作余以外

舅陳雲伯先生之命謹依原韻

鬱洲原是神仙島中有仙人百尺臺浮海倘因鼇戴至
寥天應有鶴飛來樹森陽谷光迎旭潮轉香輪響避雷

數徧寰中諸嶽鎮此山氣象信雄哉

挂壁龍梭手自捫八州作督喚曾孫異書儘讀忘寒暑

大筆頻籌達曉昏萬里舳艫遙貢闕謂海運事千秋忠節盡

旌門謂破格請旌資江老屋詩人宅海內無如此集

尊

親籌海運沂當年此日籌離事亦然楊柳曉煙鳩喚屋

杏花春雨犢耕田臨興場遠宜增竈洪澤湖寬好放船

從此泮林鴉萃止一時參佐共敷宣

印心石屋心相印落紙元音雅頌聲慧業三生仙不俗

慈悲兩字佛多情南方草木紛丹寶東海瓊瑤富玉英

我在莫釐峯下住每吟夕濟慕鴻征

汪蕙舫世芬蒐羅先世著述翰墨刊刻裝池斐然

有誦芬永澤之意感而賦贈

薄俗輕忘祖承先孰守先家珍儕瓦礫遺箸散雲煙此

事關天性常言望後賢清門終自異述德有成編

素業繇何遠前徽續又今一函心血聚七葉手痕深世

重傳芳集宋初吳越錢氏有傳家藏古墨林青箱諸右

族負荷幾人任

題金相堂玉寶填詞養病圖

得閒恰借病魔生自點紅牙最有情斜日圍廊誰按譜

藥爐聲沸作瓶笙

中年憐我病愁攻綺語消除舊夢空欲借新詞爲七發
豪情祇唱大江東

條生以令妹玉英女史曇華閣遺詩見示索題

一卷新詩豔玉臺左家小妹本清才如何鏤雪團香筆
祇比曇華一霎開

夫婿才名小鳳皇畫眉筆爲寫詩忙傷心莫怪檀奴切
賸墨零箋鏡檻旁歸黃君美之夫婦並隨翁宦蜀中

蜀道頻年侍宦遊思親有淚灑江流定知萬里香魂返
入夢如生慰白頭

諸兄才調總無倫仲也尤摧玉樹春竹君抱才早逝料得蘭臺

更愁絕他年續史待何人

送龔廉白廷焯赴官山左即題其小園圖後廉白華亭

人寓吳時所居有小園臨行圖以紀別

鷗鷗團聚亦前緣良會將離易惘然經歲小園留庾信
他年水榭話樊川匡時術業書堪仗君愛讀道學經濟諸書惜別

情懷酒有權期爾宦成歸隱早漁莊重付畫圖傳君言異日退官當置田泖上作漁隱終老

相堂以近周圍圖索題與侶棠序伯叔美同作
煙墨粗疎稱我詩嗜癖端合笑君癡卻教畫苑添佳話

米老留題配虎兒

霜後園林碩果稠贈芳竟許作桃投君以園中商量第
二圖堪補屋角青黃一樹秋

族人晉卿族假劉氏寒碧莊為其母程太君稱觴

召客繪圖索題事在丙申秋預訂座客題圖而

為訪淮南桂樹秋娛親歡奉版輿留天回愛日春長駐

路近家園步易周近周家園潘岳閒居賦語廣座徵詩如合樂經年

得畫當添籌石林歸養吾宗事圖詠遠期妙跡搜石林

州引退時繼母梁國太夫人向在晉卿家

東坡捫腹圖象

平生肝膈幾人知竟有蛾眉慰所思差許贈言追老可

西湖雖好莫唸詩

新法橫行黨禍胎命官磨蝎鳩為媒一時擁髻閒酬荅

冷看熙豐國事來

新得藜杖一枝頗瘦勁短歌代銘

藜為蒿之屬其堅迺勝木我老藉扶持相隨如健僕一

莖之艸化亦奇不在光芒堪照讀君不見古來身倚安

危有數才往往初生出微族

毛叔美明經慶善出示顧晚芳夫人蕙所繪尙友

齋雅集圖索題

十年頻過隱君家，乞得香閨沒骨花。今日披圖真欲拜，雲煙高擁絳帷紗。

尺幅流傳二百年，論交落落到前賢。誰知畫札圖僑意，重與蕭齋訂墨緣。

選客渾如選畫精，今懽卻藉古懽成。齋頭署得金蘭簿，開帙先題二老名。

瑟應琴調事事宜，再生管趙更奚疑。蓮莊高會圖誰寫，此卷端應傲仲姬。

偕印川序伯挈兒子道芬讀畫尙友齋留連竟晷，恣極眼福再賦四截句書之卷後。

訪舊重移李郭舟，畫林消夏快同遊。招涼那用冰山琢，

四壁雲巒滿座秋。

大謝橫拏鐵網高，搜奇自許鑿秋毫。但擎一樹珊瑚出，

拋盡餘珍也足豪。

衮師畫癖類書淫，偶許同窺翰墨林。漫擬耕煙少年事，

恐教孤負二王心。

清門鼎峙富收藏，劉氏山莊葉氏堂。

謂寒碧山莊暨眉壽堂

若向

畫城論割據，君家伯仲似孫郎。

程修之

沂梅

有所生母之喪，索詩爲輓。

時嫡母尙在堂

明星伴月遠長辭，涕泣如歌燕燕詩。能佐采蘋陪季女，

也依畫荻勗佳兒陶公才望因親顯
絡秀衷情付子知
力學從來堪慰母潛夫箸論是前師

題葉漁莊

承桂

五湖漁莊圖

一碧渺無際門臨萬頃湖有人狎鷗鷺長此老菰蒲借
景標名氏將身入畫圖當年西塞隱似爾勝情無
儂家三畝宅同在水雲間架屋螺峰近鳴榔龍渚還一
從泛萍梗幾載掩柴關何日道南住從君把釣閒

代萼仙和余探梅之作仍疊前韻

此身真到妙香天一樹玲瓏玉比堅參禮合如逢古德
夢遊曾憶趁春眠烏篷行處鷗相導翠袖憑來鶴亦憐

小異人間看花侶雙聲唼出水蘭船

題王韞齋明經

汝玉

聞妙軒圖

定香攝意禪那事儒者清修異所問但使心源葆真氣
自然鼻觀襲奇芬

平生一瓣歸依正中夜三霄籲告勤蘭室秘方休語世

任他蠅蟻各欣欣

題沈竹虛海上觀旭圖

海風捲濤濤捲雲海天佳氣相緜緜倏忽扶桑騰異采
下界曙光猶未分有客有客採芝侶曉策六鼇凌島嶼
迢然氣與朱霞高笑指瀛洲獨延伫此際知君無限情

林芝堂詩

卷上

三

蒼庭愛日願長明更念春暉眷游子驪騮將騁太行程
太行山高高不極咫尺欣瞻日五色若木輝聯棗鄂輝
破浪乘風勵羽翼

相堂屬題病榻尋詩圖為賦絕句報之

詩為醫禁疑妨病病得心閒恰助詩料理焚香兼埽地
清涼一服自家知

哭程賡堂廣丈

嶺梅

故友如黃葉飄零又到君生原宜放曠病竟坐辛勤梁
燕悲更主江鷗悵失羣廿年尋舊夢揮涕向寒雲
文社論交日鄉闈角藝年舟同元禮濟鞭讓祖生先

己卯

秋與君同舟赴試君即於是科獲售屢射春官策頻溫夏課編壯心殊未

慰虛領一青瑣選授宿松縣教諭欲俟病愈計偕故未即赴官

憶昔遭孤露相逢一慟時廢莪哀共訴集蓼恨誰知丙戌

六月先嚴捐館君亦於八月奉雁已驚行斷熊偏入夢

遲夜臺瞑目否白髮泣孀慈仲弟蔭軒先卒有一子為君後而老母尚在

萬玉圍芳讌春風快舉觴今春同人為君補祝四十年辰豈期香雪海

遽近白雲鄉天上虬驂迅江頭鶴笛涼繁花看又發觸

景淚沾裳

雲間老友周純白良弼壬寅夏避兵吾郡之木瀆

門人陸金祐為寫香谿寄跡圖索題

攝提之歲月惟皋長鯨橫海噓腥濤茸城礮火半空落
河魚沸擲林鳥號城中官吏皆宵遁汝南高士臥難穩
家具隨身一舸攜何處桃源堪避隱靈巖山色迎船頭
埽門喜遇良朋留王尼幸免露處歎不須海外全家浮
勝緣恰向愁中獲詩酒聊將羈恨釋弟子丹青為紀遊
在疚願無忘是役維時吳市訛言驚我亦盡室倉皇行
鴻山驚蕩兩旬住憂時未已還憂生歸來尺幅開魚素
示我新圖索題句西望香谿帶水通訪君擬問橫塘渡
海隅計日熄兵塵賣藥韓康休避人君善醫為君更詠還
鄉樂一幀煙波柳上春

不至積善西院數載矣偶往探梅感及前遊仍疊

舊韻奇意

尋幽又到妙香天笑我浮生病骨堅偶憶前遊如短夢

所悲舊侶已長眠謂印花遲似畏人頻問鄉先生有樹

老還令客自憐但得年時娛倦眼底須孤嶼倚春船時

談孤山梅花之盛者故云

楊曉山話虎阜踏月之勝索詩以紀

半塘煙柳晚蕭蕭清景常嫌易寂寥除卻高人誰領畧

露華如雪滿桐橋末七字乃近人金子年句曉山嘗賞之故借用入此詩

人靜山空月一丸半池劍氣峭生寒萬家塵夢方酣際

始覺清涼獨享難

臺圯空餘半壁留生公遺跡草埋秋憑君試問臺前月

再照何年石點頭

生公講臺圯於癸卯正月壁間邵不疑篆字四僅存其二

虎邱夜宴自青蓮

太白有虎邱山夜宴序見文苑英華

豪興何勞效昔賢

我亦閒蹤耽冷趣訪碑時踏夕陽天

曾搜拓山中宋人題名

高芾堂觀察丈

翔麟

以汪孝子鞠厂先生

昭小傳

及祠堂記索詩為其令子雪坡茂才

梅屬

近代徵吳獻汪倫至性純一經常訓于百行首娛親祠

字旌揚重溪橋卜築新因君懷夏統負骨劇艱辛

芾

文與夏秋田負骨歸葬紀事卷同示徵詩

小浮山人屬和芝翁歲朝賞菊詩元韻

一賦梅花興未殘椒筵清對菊枝寒秋容老尚逢春豔

詩味醅宜和酒餐兆協延齡隨歲展風高晚節耐人看

歸耕家有陶元亮介壽心馳路百盤

小浮度歲適亦得盆菊數種俱之寶

菊齋中遙為堂上延年之祝

偕侶棠谷香探梅通濟庵與覺阿上人清談竟晷

疊前韻紀遊

一林香氣得春浮地有支公舊跡留似學宗雷來入社

更邀李郭與同舟寒蔬味永談禪口妙墨光澄鑒古眸

遇善慶崧光上人出示書畫數種

閒共衍師花下坐好詩欲和愧青邱

青邱集有詠梅次衍師韻五首上人
舊作梅花詩十章劇工故以相況

銅井山人索賦盆梅詩卽拈盆梅二字爲韻信口

而吟閱者勿疑其意有所諷也

耐冷梅花性依人性亦溫噓枯曾借力吐萼似酬恩跡

偶親文几身甘託瓦盆故山松竹侶笑爾耐移根

恰有江皋路垂垂一樹梅疎枝留月挂瘦蕊避春開豈

稱金樽賞難堪羯鼓催多君能破格繩削恕粗才

堯峯山過朱西生孝廉綴墓下作

似爾才華竟隱淪寒林指點暗傷神遺編自定千秋業

知止堂集皆
在日手定雅望宜魁七子倫與王井叔潘功甫沈閏
生吳清如彭詠莪韋君

繡爲吳中
詩七子名列賢書年已晚辛卯鄉舉齒
已四十餘字符謚議品

原純君一字仲潔歿後張詠仙
謂卽以潔字爲謚何愧紀羣父子風騷契埋骨

何期更結鄰陳雲伯先生與子小雲皆
君文字交墓亦在此山

蘇春苗乞贈言卽詠其字勗之

膏雨一犁足平疇綠可憐生機看匝地物力戒貪天匪

種鉏無葉真源漑有泉懷新宜善養方寸亦春田

先外舅陳雲翁少年以仿宋畫院製團扇詩受知

於學使阮公公卽以新製團扇贈之載其事於定

香亭筆談晚年以此扇付余婦收藏裝冊索題翁

時已逝詩成感愴無已

海內詩名五十年騷壇爭說碧城仙平生知遇淮南早

團扇風流第一篇

祗應扶贈合歡人

即用雲翁團扇詩句

載筆流傳物倍珍不羨金

杯炫豪舉狀元銜署牡丹新

明季黎遂球在揚州詠黃牡丹事

斷紈零落卅餘秋鄭重攜交愛女收那免西風感憔悴

江湖薄宦雪盈頭

遺箋我亦護叢殘手墨裝成掩淚看

余以翁三十年手札裝冊藏之

息謝公身後事祗餘扇影尙團圓

家人遺物零落殆盡

雷甘谿茂才

浚

省親兗州用杜詩意作南樓縱目

圖

魯殿秦碑地斯樓說至今詩翁曾縱眺遊子更行險遠

道思親夢高城覽古心庾公莫相擬風月偶登臨

謂庾亮南樓

江山劉彥清

履芬

屬題寫秋心圖

顛顛情懷不自由少年無那易悲秋傷心時序銷魂地

雁影登聲並入愁

風霜為鍊書生骨憂患能堅志士心省識人間秋氣好

金天一頌意何深

又題其莎廳課經圖

彥清尊人眉士大令佳會知溧水縣引疾後沒於吳中圖

紀其幼時隨宦讀書事

林花盦詩

卷上

罌

墨莊餘韻尚堪尋

宋劉幾聚書貽子事

儒吏家風績學深請業事

多猶問絹傳經人老竟投簪十年燈火三生夢萬卷楹

書一寸心今日草堂還自課夜烏啼伴短長吟

為人題秋庭樂事橫看子

兒慧殊孺仲妻賢擬伯鸞詩書閒自課衡泌澹相安不

是旅遊久焉知團聚難秋花解人意弄色助清懽

浦蓮航茂才

毓慈

課荻軒圖

教子惟師古能貧學始端謀先居室擇力為授經殫燈

影三椽小書聲半壁寒誰言歐母德媿美後來難

令子名能立時還母訓溫欲伸反哺願難忘舊巢痕文

字緣堪託丹青跡偶存何如師承叔手著述親恩

曩在滬上曾錄憶存舊作一編聊應同人索觀僅昔

年刪定本十之六七耳近返里門查君蕉垞愛余詩

有嗜痂之癖既鈔副本并為搜得逸詩數十章凡散

見朋舊集中及留題卷軸者採錄不遺餘力攜來見

示屬余補入噫余詩固無足取而蕉垞雅誼可風姑

徇其請以存之戊辰秋七月十如居士自記

楸花盦詩

卷上

哭

林芥齋詩

卷上

吳

多借問相傳經人老竟及暮年登大三五萬卷
 書一寸心今日草堂還自課友為師半短長吟
 為人題秋庭樂事橫看子
 見其蓄以存之其氣所寸且十岐吳士自靖
 示韻余辭人謝余精固無與類而薰其韻雷何風故
 貝川舊業中又留隱卷坤香紙疑不費翁代謝來貝
 育習飛之雜難逢隔本共為對對幾精幾寸章且錯
 平冊出本寸之六寸耳設設里門查香燕其愛余精
 合彙其感上曾幾許存書亦一識聊聊同入家聯對借
 宇蘇掛清其青祖附許可收補未外手書並感恩

林花齋詩卷下

吳縣葉廷琯調生

劫餘草

避難申浦友人勸收買所失書畫賦此謝之

身世渾如夢已殘何心長物散重完衰齡嗜好緣都淺
 具眼收藏意轉安弓玉人猶談古事雲煙我久付閒觀
 平生癡愛消為水肯使餘波更起瀾

劉生雲喟

灑

路過吳門鄉間買得石墨書畫三種

識為余物寄貽申浦不欲辜其意受之而酬以詩
 舊物重還說也癡春風意外一緘馳已拌覆水終歸海
 竟觀飛花再上枝展卷不期行腳處題籤難忘賞心時



昔書籤字尚存憐他破鏡多新恨誰贖蛾眉慰所思庭來札言新

題王花農明經廷銓癡願詩後有序

明經為上海老宿家三林塘蚤失怙恃詩三十

二章皆舉生平所欲事親之事而其願未遂者

設言親在而得之自序有夢裏晨昏句蓋孝子

老年思親無已之苦心也

老續南陔詠詩翁悔所遭原詩有悔煞承歡為日少之句承歡餘大願

設想到織毫寸草春難報孤雛夜自號一編風木淚祇

此答劬勞

賤子蚤孤露餘生更播遷埋愁無尺土抱恨竟終天世

事雲同擾微軀瓦幸全侍親惟夢穩此夢讓君先第七

本夢裏晨昏句意傷人子遭亂不得安居養親也

過劉氏廢園閑閑草堂題壁末章即贈園裔劉翁

柳塘竹徑獨行吟路入荒園感不禁我似傷時李文叔

盛衰着意記園林宋李格非有洛陽名園記余亦曾撰吳中名園記稿未竟而失去

艸堂舊額署閑閑想見高人靜掩關世事不驚雲臥穩

此中清福渺難攀舊額款跋字甚多已漫漶不可辨後裔亦不能言其時代意必明末人見

世亂而隱者鼎革之際上海未被兵故得安居無恙也

堂前樹石已全荒剩有孤梅欲吐芳畫出舊家寒女態

天然修潔儉梳粧

百年喬木護清門園有柏樹一株數百年物也

貧守三椽老屋存看

到牡丹何足重種瓜種菜好兒孫

劉翁父子治圃為生故以東陵侯種瓜開

平王孫種菜況之看到子孫能幾家唐人詠牡丹詩也

得管君谷香通州書賦此奉懷

亂後行蹤欲問難便鴻近喜到江干棄家我媿倪元鎮

浮海君真管幼安半載驚心籌去住

初避吳地山中一屢遇警凡數遷

時噩夢判悲歡

一子歿一女孫殤同寓房族多病故兩姪被擄幸得歸

異鄉今得

如歸樂羨爾羈懷可暫寬

仍長君少谷迎養寓舍授經於舊居停處

追悼管生雲升二首

有序

雲升為老友谷香次子里居相近無日不見性

嗜翰墨恒喜問字於余庚申四月避難後遂不

相聞越歲春略知其父子蹤跡寄書問訊值其

家移寓未達辛酉三月得谷老通州書始知雲

升去秋已歿於善人橋旅次距今半載餘矣回

憶舊遊曷勝感愴不能無詩

紀羣交誼兩家聯儒雅恂恂爾最賢為奉晨昏甘閉戶

能攻筆硯代耕田

在家課徒工篆隸書兼善摹印自署書室為鐵耕廬

生徒晝散

傳經座眷屬宵移避寇船世亂蚤離家累釋全歸何必

羨耆年

隔歲猶然盼好音尺書問訊竟浮沉雲萍一散蹤難合

風鶴頻驚病易侵地下應攜嬌女手先女客中更累老

親心行囊殘帙留遺翰此後人琴感倍深昔為余鈔書數種行篋中

猶存一二

月夜黃浦舟中

雲淨潮平後清光萬頃鋪水天同一白煙墨若為圖夜

靜詩懷永江寒客意孤片帆明月裏有夢落菰蒲

秋日小病即事

清秋一榻養疎慵塵事無由更芥胃涼雨氣先蘇病骨

晚霞光欲奪衰容關心藥裏勞朋檢信手書函付女封

倚枕欣聞傳好語新秈白已飽村農

捉花吟有序

濱海各鄉咸藝棉花花發後婦女皆往田間耘

草謂之脫花熟後又往采掇謂之捉花亦稱收

花余避兵申浦兩載屢見之初欲作脫花吟因

見劉筠谷秀才森已作七古一篇甚佳適值秋

月收花之日歎民風之勤作感物候之易遷因

作捉花吟短句六章亦藉遣旅寂云爾

纔脫花完又捉花女兒邀伴到鄰家趁晴忙向花田去

不用肩鋤嘴似鴉花田夏日經雨草生用小鋤翻泥去草名為脫花謂使脫穎而出也肩字

訓任从書
盤庚傳

布囊箚笠取攜輕
牢繫弓鞵陌上行
莫認春郊采桑女
誤他過客不勝情

無風無雨好秋天
鈴子圓垂綻曉煙
紅日團團頭上照

白雲朶朶手中搴
實初結呼為鈴子以形似也日曝則易成不宜風雨

花叢拈拾儘搜羅
姊妹相隨笑語和
日晚還家呼阿姥

今年花比往年多

捉得花齊裏手難
桿彈紡織事多端
城中閨閣那知此

但促裝棉禦蚤寒
桿彈紡織四字見吳梅村木棉吟序吳詩不見本集載金鉉鎮洋縣志暨

張大純采風類記二書

羈棲海上雨經秋
檢到行裝動客愁
賴有搯搯嬌女手

買花為製木棉裘
余家惟一婦女相依並挈至滬

捉花補吟

緬懷古昔兼感時艱
續得四章補前詩所闕也

中土何年吉貝栽
黃婆往事費疑猜
島夷有卉能成服

落實誰先教取材
棉花古名吉貝出廣南諸國相傳元初流入中原厓州黃婆始教人織布

然考禹貢島夷卉服古義疏雖指葛越而宋時注家兼及木棉下文織貝又謂即吉貝等物且此語系於淮海

揚州島夷似即指今蘇松濱海地是三代之初海隅已

可知藝花紡織後來經籍中布字亦屢見其非來自域外

被不道得樂言祠門額竟題先棉殆未深考耳

木棉樹本盛蠻榔花發斑枝影覆牆若使吳棉都化木

收花應倚一梯長交廣之棉木本大如樹故稱木棉一名斑枝花吳地所種乃草棉也

江鄉風鶴尚愁聞最是田家婦力勤對此漫言天下煖

亟謀挾纊徧三軍花開天下煖花落天下寒昔人詠棉花名句也時近地常有兵警

事補幽風句所無條桑圖後采棉圖絮衣十萬先須授

無褐流民正滿塗李龍眠條桑圖乃幽風圖之一昔曾見之時難民麤集上海飢寒可念

寓館東有土阜新開坡路可登眺紀之以詩

小阜荒難陟峻嶒近屋東階梯求穩步畚鍤促施工不

假蟠蛇曲原殊踞虎雄功成快登覽笑比闢蠶叢

聽鶯橋感賦二陸事有序

華涇寓舍北行里許有小橋曰聽鶯相傳機雲

少時曾讀書此地出聽鶯啼故久沿此名而華

涇亦稱聽鶯里也

野路溪橋一望平曾傳二陸此聽鶯事先柑酒閒游客

人異莼鱸退隱情仕宦竟忘家國恨文章可惜弟兄名

當年入洛成何事空負華亭鶴唳聲

遣悶偶成

籌餉徵兵歲月舒連城收復事猶虛偶傳小捷論功狀

慣聽鄰封告急書鄉里阻如重譯外親交存亦再生餘

一厘海角拌終老祇恐將成釜底魚

亂後聞故鄉諸老友相繼徂謝自顧僅存慨然成

詠

文社論交鬢各青幾番聚散到頽齡故人皆化雲中鶴
孤客真成曙後星賸作靈光愁獨立偶談天寶待誰聽
亂離未定衰孱甚何日相從大夢醒

周杏嶠樹春自寫舉杯邀月圖索題

青蓮去千載觴月又斯人一醉空今古相看孰主賓畫
禪金粟影詩味玉壺春羨爾年方綺豪情動海濱

答友人問華涇風土二首

浦上田廬半水涯此鄉風景畧堪誇碧雲繞屋抽孫竹

人家屋後皆種竹成林晴雪堆門曝子花棉花初收曬江近魚

蝦常入市地寬雞鶩各忘家問名原自烏涇改僻陋如

今那得華華涇為烏涇改名即宋元時

聞說鄉人舊富饒再經寇難劇蕭條元末苗兵民貧全

仰三秋獲花稻麻豆皆歲旱常資兩度潮曲港通潮設

汲用皆收於八九月牧馬年深迷故壘即指前朝聽鶯客散賸危橋

與君遭亂皆萍泊覽景知難旅恨消

秋日江村閒步即景

爽氣朝來挹東臯最上頭川原開古畫雲物入新秋決
覺風生腋清應露洗眸萬家方熟夢此境幾人遊

晝永意無聊閒行不厭遙斷膝危架石曲港暗通潮稻
熟農功簡花繁野趣饒草堂容小憩鄰叟偶相邀
一雨天如沐林塘快晚晴身嫌筇杖贅足愛草屨輕高
樹鴉爭集平蕪犢自行村墟延眺久隨處得詩情
暝色蒼茫外江天送夕曛高原初上月遠渚漸生雲
影穿林出機聲隔水聞閒中觀物態動靜總難分

潘麀生茂才鍾瑞和余殘字韻賦感懷詩見示卽

疊前韻答其意

太息東南半壁殘修羅兵劫幾時完渡河誰是宗留守
浮海君如管幼安客秋泛海來甲民命蜉蝣難自料軍容鵝鸛

儘堪觀軍營操演昨在城曾寓目吾曹歌詠如平日且任旁人謂倒

瀾

陳蘭齋隱君炳燧齋中詠綠牡丹五并謝友人異

金谷名姝幻此芳故衣未脫拜花王應呼么鳳充嬌婢
誰畫修蛾鬪靚粧濃露乍零難辨葉輕陰欲乞亦飛章
高人有意憐衰白贈我分簪兩鬢旁手折二花見貽

讀陶淵明桃花源記偶書其後以遣悶懷

並生宇宙間誰能世外騁陶公本寓言豈真有是境後
世慕高踪丹青樵妙景文人偶寄懷俗塵堪暫屏果作
冥鴻飛自遠風鶴警要知巢由徒孰爲買山請神思苟

曠閒隨處皆箕穎我愛渫翁言故友吳侶棠晚年外號仙源從心

領高臥遊羲皇即在閉門頃誦此更迷津陶公亦齒冷

馬生采庵英自客中過我談其家去年遭難事感

贈二律

亂後拌長別重逢若夢中容顏驚各瘦消息悵難通辛

苦尋巢燕飄零避弋鴻皖遊聞變端歸覓家口一月始遇即移居江北少年能

努力何用歎途窮

大劫徧吳民君尤恨莫伸憶當家難日正作旅遊人異

地營攢母及江北權厝彼土經年陟岵頻父破擄年餘尚未歸艱難攜弟

妹善保客中身

近事

時危聞見總關情近事常教感慨生市井徒充新募勇

江湖盜聚慣逃兵民無固志家浮水遊難船飄泊無定所官有良

謀鬼守城事急則借夷兵登陴羽族先幾感何氣秋宵百里怪禽

鳴八月十九夜空中有聲啾啾如鳥語瑣碎淒苦歷三刻許方止同時數十里內無不聞之

悲歌

悲歌如哭唱烏烏無路排闥此代呼一邑守株安可待

十年滋蔓本難圖心肝諸將何時奉膏血殘黎到處枯

江浙巖疆唇齒倚那堪警報越同災

秋夜苦雨次韻

奈此瀟瀟響驅愁枕上來五更鄉夢破萬緒客心堆江

澗添寒沙村空洒劫灰時松南諸鄉新被兵火起聽重剪燭蛩語

更相催

劉貧谷茂才森見示訪菊刈稻二詩索和即次其

韻

惟有尋秋興年年不憚勞詩心隨地遠花品避人高宅

問餐英屈籬窺漉酒陶故園揮淚望那不意牢騷訪菊

常恐糧資盜田禾及早收驚心三日火到手一年秋戰

地荆榛滿災區鼠雀愁懷鄉儂更悵萬戶棄先疇刈稻

七十生日作

天教海角寄餘生忽忽他鄉歲月更久住田園詩漸逸

偶談山水夢俱清世嗤龔勝輕求死聞賊中開偽科取士頗有應試而受

偽秩者我愛韓康善避名一語借吟聊自祝願留老眼待

昇平故友覺阿開土句

江關訪晤青浦詩翁金二溪熙賦此奉贈即題其

莎湄居詩草後

一番風鶴又驚聞避地天教我遇君偶值垂簾閒賣卜

精於星學恰成傾蓋細論文高年吐屬清于雪逸客行藏冷

似雲好借詩編作縞紵江湖歲晚喜同羣余亦以詩草就正

寒蛩次韻

林花盦詩 卷下

獨客已無寐况堪蛩攪愁訴寒干語碎警懶五更道葉
落鴉驚樹燈昏雁度樓深宵羣籟集根觸總悲秋

青浦金曼鴻明經玉去冬上書言事為當軸所斥

賦此慰之即題所上書稟後

何來淞泖一書生險作江東禰正平自信芻言能愛

國誰知肉食忌談兵人嗟寶物投于暗天惜良材用不

輕願爾暫韜經世略橫流最好是潛名

讀史有感為曼鴻作

獻策心期贊治平一腔熱血數書生漢廷絳灌憎年少

宋室汪黃蔽主明柴望慨慷書獲譴宋柴望撰上丙丁
龜鑑忤時宰破逐

郇模僥倖史垂名唐郇模上書言事以十六字為
標題通鑑載其事人亦未見用奇才
自古多遭抑愛士原須命世英

病菊次韻

寒到東籬菊漸荒也如人病意淒涼悲秋體倦疑扶醉

待死心堅總抱香宋鄭所南菊花詩有甯
可枝頭抱香死之句難並松篁作

三壽定緣風雨困重陽芙蓉晚放偏無恙此度輪伊獨

拒霜

烏泥涇懷古有序

涇為宋時所鑿久淤塞約畧其道在今華涇西

北徑達茸城以通淞泖昔苗劉之變韓蘄王從

江灣赴臨安由此過軍又元末詩人王逢自澄

江移家於此避亂築最閒園以居自稱最閒園

丁亦稱席帽山人惜其遺址已不可考余今亦

避兵此地暇日訪求遺事作詩紀之

通渠歲久已成淤舊事蒼涼感故墟大將錦袍移戰艦

山人席帽構精廬背崑令肅勤王始韓岳二家皆有背崑軍為親軍箸

錄心閒避世餘原吉最閒園詩擬箸今日寒蘆衰柳外

兩朝遺跡剩樵漁

箕谷題余近臺四絕句次韻酬之

海上經年旅跡羈閒吟短句半憂時不圖巴曲偏邀賞

傾蓋還憐十載遲

衰齡禿管乏才華敢向騷壇論作家差喜素心人不遠

田園好共話桑麻附存箕谷元唱麻字韻一首云灰滅繁華要不華圖書散盡已無家草

本稱詩人足好此流離杜老麻

昔窺坡老新奇句癸丑秋余避亂到此曾讀先德書樵明經晉遊詩今誦斜川

絕妙詞有幸後塵容我步捉花吟繼脫花詩錄舊作脫花歌七古

見

兵塵瀕洞海雲邊幾處殘黎得自全白首相期同作達

昇平猶望觀餘年

讀滎陽節孝蔣孺人傳題後

六年孤燕病難禁兩月啼烏痛更深代子職原完婦職
殉姑心卽體夫心兒能補恨彤編播歿後廿七年子鍾
允桂芬作傳族叔遵祔書女善傳芳碧水沉女適吳早
後里人遂籲請以旌其孝懿德久潛光必耀陽和自古出窮
水此蘇城之難死於於
陰

食菜次韻二首

欲爲詩腸洗俗塵晚菘入口最鮮新喜看霜圃爭抽甲
肯待春盤佐薦辛供把底須煩老衲齧根未免困才人
可堪歲饑難求益獨見窮簷面色真
雅潔山廚絕點塵半畦寒綠摘來新煮邀鄰叟嘗鹹淡

挑憫災黎話苦辛雅謔偶逢談夢客用夢中羊蹴菜園戲語清齋

恰似事魔人宋人謂茹蔬奉佛者爲喫菜事魔老饕屬饜腥羶慣蔬譜

甯知味獨真以飲筱東齋圖索題

頻年吳下困兵塵何止相逢少醉人莫問舊時遊讌地

名園竹樹久爲薪以飲筱東齋圖索題

竭來旅跡傍吳淞手畝篔簹尚在胸欲借酒家雪色壁

槎枒醉吐筆端鋒以飲筱東齋圖索題

衡山弟子陸師道練水詩翁程孟陽看竹銜杯評畫橐

十年舊事怕思量圖爲膠城程序伯遺筆稚松是其學畫弟子余亦舊交也

古紅梅閣詩為劉彥清履芬作有序

蘇城吳殿丞巷為宋殿中丞吳應之與姬紅梅
偕隱處所居之閣因人以名吳作折紅梅詞傳
於世彥清客蘇多年寓近其地平懋峰太守翰
為題古紅梅閣額滬城相遇偶感舊遊索為此

詩紀之

小閣藏嬌地風流七百年事因詞客著名借美人傳花
月滄桑恨萍雲夢幻緣劉郎感前度難畫意纏綿彥清
度劉郎小印並畫
古紅梅閣圖紀事
吳苑經兵燹傳聞劇可哀已更新巷陌莫問舊樓臺往

事隨流水閒情冷劫灰我懷別有系佛院一株梅閩門
善菴西院有老梅
一樹宋時物也

滬城旅次遇上虞徐辛穀三庚話舊感懷得詩二

首卽題其象田詒穀圖後

傾蓋言懽記虎邱交聯金石許同游君工篆刻
曾乞數印麥天各

避吳門劫萍水重逢滬瀆秋我已無家拌蹈海君猶作

客感登樓手撫雙印勞持贈敢道新詩報所投

語我家林舊業存象田舜井古時村世居象田在上虞
郭外二十五里相

遺跡舜溪山勝地安雞犬耕讀良謀教子孫江左連城

成梓澤浙東片土是桃源待君歸日應相訪畫裏先教

認鹿門

慈雲山莊圖為青浦徐則三題

青溪佳處數椽安將母詩兼賦考槃勝地從來宜結隱
幽居難得更承歡湖山景比家園近花竹春留愛日寬
真箇慈雲能覆護劫餘無恙草堂完

延陵節烈潘孺人哀詞

天意成奇節艱難自早年悲傷方備歷危亂更相連大
義慈徽續母為節孝芳名浩劫傳蘇臺盛簪紱止水有
誰先

滬上歸思

海國頻年住歸心夢寐形儘多遲暮感況已亂離經兵
事何勞問江潮亦厭聽祇期鄉郡返重見故山青

避兵洋涇濱度歲後曼鴻亦來相晤同話去冬別

後事出示見懷近作依韻奉酬

客蹤歲晚似冥鴻君正西飛我已東冰雪孤舟愁孝子

君奉二老西避吳旌旗隔水駭衰翁余東北走滬城北

巷舟行冰阻三日乘桴路近餘生寄巢幕身危萬念空何意重逢慰離索

新詩如月墮懷中

滬上春暮潘辛芝舍人觀保有詩見贈次韻奉酬

二首

異地羈縲又一春客懷況是暮年身津梁道遠愁難逮

壇坫名高媿不倫君詩憶及先外舅陳雲翁並以壇坫老輩謬推鄙人述祖也知

家有事少陵詩云詩是吾家事謂其祖審言先以詩名也此答君石林詩人句買鄰敢謂

世無人君詩謂寒舍與戴君竹友同里開實相距尚遠旅居差幸朋權挾擬共

尋芳滬水濱

紅藥階前正好春望雲心動便抽身歸難結隱輸元亮

君乞養歸里遇亂來寓滬城醉可埋愁羨伯倫集中有尋許鶴巢飲酒詩鳳閣似

聞思國士蜃樓何幸住才人時儼居洋樓君家情景三蘇比

我更京華憶穎濱令弟秋谷孝廉方應禮部試

為麟生題聽風聽水填詞圖

六根善感是聞塵奈此風餐水宿身閒按紅牙聊遣恨

獨眠白舫黯悽神心驚鶴唳聲多破耳熟龍吟筆自馴

詞有水龍吟調君近客海上安得煙波清寂處一枝漁笛伴垂綸

寓鄰吳君語樵嘉椿枉晤話及其先人事有詩見

贈倒次元韻奉酬

浩劫東南重親朋半不存新交憐乍訂往事喜同論兩

世人倫表三吳物望尊愍孫今繼起遺澤感師門昔令曾祖

曇繡先生主講紫陽書院時令祖巢松先生養親在家余肄業院中皆以師事君幼孤令祖亦早見背

祖德君能述羈懷我藉寬楹書容借讀君新購得巢松先生遺集承以

見葛帔不愁寒久客年垂盡余齒已七十有一休兵事尙難張

南與周北

余寓在普安南里君所居為北里

萍聚且為歡

得老友貝子木

青喬

故鄉書知其近况甚苦感賦

寄懷

家破身真子途窮氣轉道熱腸無地用憤淚幾時收心

事天應鑒行蹤世誤尤

君因客杭被陷逸出復因老母失散在賊中尋訪不知者訛傳

其投逆

戎韜休再問老合向閒投

孝子英雄事平生一手任承權今絕望殺賊轉傷心

中君

歲從軍浙右詩有殺賊抵承權句為時傳誦

志大功難就才高謗易侵何時

離虎穴為爾淚沾襟

題石梅孫明經

渠

葵青近稟卽步稟中山塘除夕

韻

遠寄新詩卷彌傷會晤難愁腸君自寫病眼我頻看竟

作孤鴻叫

指悼亡哭女歸葬諸作

還同片石觀

帙面鈐片石孤雲小印

此中

有真味只是苦兼酸

虞山李升蘭孝廉

芝綬

自江北寄示擁書圖小像

索題

積書雄百城南面王不易愛博與矜奇古今同一癖

兵燹吳中劇縹緲盡散亡君家善藏弄誰為記山房

東坡

有李氏山房藏書記

數載慕君名今年識君貌別後慰離懷展圖相視笑

秋花盦詩

卷下

七

家儲萬卷失愁看擁書圖愁已輒復幸一甌容借無

谷香以七夕見懷之作寄示依韻酬之

思君北望強登樓老病心情嬾似牛自分餘生原待死

幸逢中夏已先秋今夏大病幾死復甦適佳辰未得閒

懷賞清景還將苦語酬各滯他鄉歸計杳故園回首迴

含愁

不見吳清如農部嘉淦三年矣頃從崇明來滬連

日把酒傾談賦此奉贈

詩翁晚境擬坡仙海外歸來雪滿顛一代騷壇尊老輩

卅年酒座續前緣道光壬午余與君同客邗客中家比

雲無定難後人如月再圓省識浮生原旅寄放懷且共

醉陶然

九日陪同社諸君集飲浦樓分拈得催字

異地驚心節序催重陽忽忽第三回自憐白髮頻窺鏡

又為黃花一舉杯歸客帆檣離緒遠吳清翁今日孤臣

筆札壯懷開座間傳觀趙竹生方伯酒闌莫更登高望

怕惹鄉愁醉後來

贈潘順之太史遵祁即題其所著小釐花館詩鈔

後

神仙不愛住蓬萊天與蕭閒亦快哉十載幽棲成素願

君散館授職卽引疾歸營別一編高詠見清裁文章要
業於光福山中常挈家居此得煙霞氣山水能資翰墨材可奈烽塵警猿鶴海濱翻
似謫居來

桐鄉陸定圃教授以愜同客滬上出示庚申杭城

烏鎮紀亂詩為題四律

六日妖鋒逼千言史筆留村童傳異兆辛亥八月南屏山下有羣童拾

草數莖爭相駭怪諦視則人形而無首也語見題詞徐君延祺詩注學博賦同仇始事庸

臣誤全功老將收將軍瑞昌堅守滿洲營挫賊湖山終

墮劫儲餉累疎謀故張軍門雖遲到得藉復城周

一鎮仍唐戍三州路盡通烏鎮與嘉湖蘇三郡皆接壤實為浙省咽喉要地

防誠有略保障易為功賊踞成岬虎民逃困澤鴻艱難

憐孝子將母泣途窮君閏三月乞養解組奉母避居烏鎮秋間屢遇警乃徙北直塔村後

又徒柳絲踵禍吾鄉甚三旬陷七城四月十三至五月十三連陷蘇州吳江崑山松江青浦太

倉州嘉定擾鋤猶奮力吾郡南北各鄉皆有民團拒賊簪紱早逃生啟闔官

迎賊侯補知府李文炳焚郭寇冒兵賊眾假充馬總兵德昭來助守省城賺得徐中丞令

箭四月初四夜先在天堂誇兩地俗諺上有天從此負

虛名

筆記傾心久君所著冷廬雜識余讀已多年吟編寓日遲圍城元子詠

諸將杜公詩浮海身同寄懷鄉淚各垂家風劔南老忠

憤有餘思

徐治伯晉鎔黎里書來言庚申六月寇至其家得

免於難事紀之以詩治伯附寄忍冬草廬詩一快

念同鄉誼一點恩星是小有寇至十首句云何期賊
直入余家逼索番銀姬人荷雲答以無有賊云是
南京口音吾同鄉也遂得免禍余去歲聞此事
頗異之今得君手札與詩乃知其有徵可信也

禊湖往歲逆氛侵獨免奇災歎不禁事異虬鬚聯族誼

君姬人姓與張一妹同情同鸚語辨鄉音和戎賴有佳人膽譽賊

知非烈士心我誦新詩惟額手故交無恙更高吟

贈陸九芝懋修即題其瑣尾集後

高才憐爾瀾風塵難後相逢意倍親殺賊未容功業就

君在鎮江曾奉尊甫方山司訓談詩獨取性情真能忘
命募勇助防為忌者所沮而罷願作良醫徧活人三世文

無仕長依母敘勞授鹽經歷因母老不赴選願作良醫徧活人三世文

詞更傳子令祖少游先生暨司訓皆以詩名吳中壇坫

一家春

為曼鴻題感逝小橐二律即以唁之

此恨尋常有何堪患難中偏教歌別鵠恰值賦哀鴻偕

隱言猶在承懽事不終還鄉異時樂鰥淚獨臨風悼婦

解議園無嫂傷心地下隨弟歿於婦家方滯萍梗人更

痛荆枝子職誰還其親年況已衰銜蘆江上雁隻影倦

飛時哭弟

林花堂詩 卷下

千

子木應保陽劉蔭渠制軍長佑之聘將由海道北
上有詩留別依韻奉酬即以贈行

東南兵劫無安土朋舊何人不失所喜爾扁舟海上來
曩懽三載猶堪補何意名公方側席不容閒作江湖客
書生佐幕古多賢籌筆端期能建白此去東溟道路長
故交分手劇淒涼平生抱負乘時展莫但文詞重洛陽
連日與子木話別疊前韻贈之

君昔南征去鄉土蠻方行腳歷年所歸來飽看錢江濤
河嶽還期夢遊補昨到淞南未煖席推轂剛逢玉堂客
馮林一中此遊自足快吟懷沾口雲連帆影白浮蹤萍
允桂芬

聚本難長語久離筵酒易涼早向滄溟覓鱗便雁書應

憶阻衡陽君昔黔遊三載道遠寄書頗難

潘芹涵茂才紹棻索題梧陰把卷圖時方為余書

扇偶成此作

物理施必報其道本乎天文翰藝通道有因遂生緣我
扇君作字君像我題箋惟惜銀鈎筆乃為釘鉸捐譬以
儻楚輩酬酢陪高賢老梧是木客定解吟詩篇伴讀侍
君側視視當粲然報瓊媿不逮文字交藉聯

書慈溪葉獻蘭金壽所著三十六壺盧銘後

避兵且學壺公隱數典無慚瓠史名試問巢家匏作器

可曾一一勒銘成

明季嘉禾遺老巢端明種匏手製各器極精售以自給人爭寶之

次韻答何古心司訓其超贈句即題其近藁後

客中訪友總緣詩大復聲名夙所知著語君真能俊逸

俊逸空憐何大復明人論詩語也論才我自愧衰遲偶從江海成萍聚

各有田園賦黍離著作堪消羈旅恨清詞端合譜冰絲

題定圃感舊懷人兩集後即次其題拙藁韻

親交契濶亂離間存沒何由得再攀浩劫可堪淹歲月

墜歡容易邈河山天涯夢斷黃壚冷故國雲迷蔣徑閒

聚散死生皆幻影試從詩境啟禪關

讀淮南子偶成

似披呂覽仰前賢也集羣才事簡編呂氏春秋淮南子皆出賓客手佳

客文成諸體備叛王國敗一書傳河間經學應難匹邗

上辭章此最先著作自堪垂不朽八公何慕更求仙壽

八公山以安與客蘇飛李尚等八人得名安又好與客言神仙方術事

竹林菴訪蔣劔人敦復晤談有贈

會合因緣信有時卅年相慕遇何遲君題余藁云聞名三十年余亦知君

名已久奇才再見陳同甫偉論誰收杜牧之君善談兵著

數卷湖海名高羞乞食風雲氣斂愛談詩蕭然禪榻

忘身世壁上純鈎共守雌

順之索題扇頭小景二首

林石齋詩
一白浩無際春山驢背逢隔溪千萬樹臨水兩三峰地
僻雪何古天寒香轉濃傍花知有寺煙外數聲鐘

右探梅圖

嫩涼池館最清幽露濕闌干月上樓滿地碧陰人不見
蝠飛螢墮一天秋

右小園秋夕

亡友覺阿開士 祖觀 輓辭

一頂頭巾決棄之早年踪蹟似蓮池琴書坐擁儒而墨
衣鉢家傳父是師開士姓張名京度字蓮民本元
和諸生遭家難與弟隨父出家出世
未忘憂世切在山猶悔入山遲草堂劫後休重問五百

梅花剩幾枝

築菴白馬洲環植以梅隱居二十餘
年相國阮公爲書五百梅花草堂額

話到平生恨事饒才人落魄太無聊家如病葉經秋墮
身作天花向佛飄數卷詩文齊梵夾一門骨肉聚禪寮
世途涕淚名場夢憑仗長鐘暮鼓消開士少卽工詩文
爲郡伯陳公識拔

游庠延置幕府人
皆以館閣期之

誰任通材隱比邱空教俠骨老還留

中允馮公序其詩
云上人負幹濟才

經世大政鬱然懷抱既隱於僧無所用
一以昌其詩晚年常用禪心俠骨小印謹言能使名公
服生計常爲執友籌共說愛才師養馬曾聞遇盜類馴

鷗白馬洲爲支公養馬處
以上四語皆開士本事獨憐浩劫東南重眼盼昇平

願未酬願留老眼見昇平
集中晚年句也

林石齋詩 卷下

患難相依七十翁

庚申四月四日夜半余走詣開年來士避火越日同避光福銅佛寺

莫逆兩心同老多僻論煩君糾時寄新篇許我攻苦海

翻身真智慧名山立脚亦英雄

所著通隱堂詩存八卷皆可梵隱堂詩存八卷皆可

名家誰知蕭寺連宵話廿載交期就此終

余在銅佛寺再宿還家旋

赴申江遂與開士長別其化於太湖中衝山僧舍以是

年八月廿一日次年春晤馮中允始知之言念舊交烏

能已已又越一年方克成此輓詞

故友石君藹士 嘉吉 聽雨樓遺詩余向所未見也

石侯清素有家聲 先德遠梅先生 與我深交到畢生

載尙遲窺韻語一編今始表詩名宗英借作砭時論 石琢

堂廉訪作跋不滿於近時塗附晦 父執平添感舊情 詩

流二派而謂君詩中有真性情在 獨悵當年

為武康徐雪廬孝廉選定寄書稱許丹徒楊 獨悵當年

子堅上舍有題詞皆感及昔與遠翁交游事 獨悵當年

所見詩錄君詩即選列 獨悵當年

交臂失遺芳采掇倍心傾

立秋日作

秋來詞客慣言悲我獨逢秋慰所思能使筋骸收惰氣

漸于草木鍊貞姿文章意味蕭疎好身世行藏冷淡宜

寰海頻年塵霧塞商飈正待廓清時

題歸安沈補蟾文學 瑩 壬戌紀事詩後

紀亂兼傷遇詩心具史裁天留茗水厄 毛賊擾江浙湖

難亦 人續杜陵哀身世如殘夢湖山付冷灰鄉愁家恨

最重 人續杜陵哀身世如殘夢湖山付冷灰鄉愁家恨

積傾寫正須才

新秋寓館卽事

炎歊漸退滌煩襟節序推遷感稚金過午林塘宜小步

新涼几席愛微吟十年海上浮家夢癸丑秋避兵法華再遷華涇至今恰

十稔一夕天涯哭友心時初得貝子木客逝北直之耗歲旱軍興農待澤

洗兵惟望作秋霖連日得小雨不暢

孫懽伯大令熹索題其先德子和通守義整為友

所作清蔭禪院延秋雅集圖卷圖為嘉慶己卯七月所作陳雲伯先生作序董琴涵琢卿潘功甫王井叔曹稼山題詩庚申浙中亂後楊蕉雪得之以贈懽伯

初地簪裾集名流翰墨傳人間更歲月劫外賸雲煙感

舊傷吾老子和為余同門友雲翁則外舅也琴翁以次諸君亦皆舊交思親歎爾賢

懽伯言先人遺墨楹書同返璧佳話亦奇緣遺稟亦失亂後惟存此圖而復得

為包山秦稚眉嘉樹題小睡足寮圖

包山有佳士系出淮海後我昔誦其詩心儀固已久今

秋山中來客邸欣握手談次索題圖中意有取在來

王元之黃州謫作守睡足快平生詩語在人口元之在黃州有

句云平生睡足處雲夢澤南州淮海南遷時寮名此稟受君以小自居

述祖亦非苟顧惟昔二公謫宦如棄婦嬾眠不事事自

嘲情或有今君擅文章經濟宏抱負將為用世資養親

博升斗何遽慕睡鄉甘效三眠柳乃知勝士懷不任俗

械扭身耽閉戶眠心厭抗塵走況歷兵戈災幸家山澤
藪卧雪與眠雲此計良无咎欲乞卧榻旁容我鼾聲吼

與友人論作詩

甘苦何妨友共知性靈學殖兩相資縱然善易不言易
豈竟作詩非此詩東坡云作詩必此詩定知非詩人此
為黏滯者言也然過求超脫亦詩病
故反一字難安如有失百家異趣貴能師沈酣筆力蕭
疎味興到神來自得之

朱子鶴姬人許香賓辛酉殉難誄詞

莫釐山色黯兵塵重見毛家罵賊身直與元戎並英烈
兜鍪巾幗兩完人緜戎王公同
時血戰陣亡

名分雖殊節義同蓮花何礙出泥中簪纓不少偷生輩
視此真如妾婦風

題蕭山任映堂贊府炳奎隨遇齋詩鈔後

詩派中唐盛其人簿尉多君今羈薄宦亦復善高歌鄉
夢娥江樹遊蹤歇浦波秋光山色句須擇長官哦

梅孫以甲子元旦詩見示依韻和之

向來歲月不須論景運重開氣象溫世事偶然成剝復
天心於此見貞元逢春客盡思旋里定亂人宜計塞源
我已無家任飄泊厭聞如願口詞喧

張筱峰廣文鴻卓以藕花香裏填詞圖索題

一闕新詞唱鬧紅畫船正泊萬花中吹簫自和吳姬曲
消受芳塘面面風

柳絲鄉裏閉柴關消夏曾居消夏灣今日采蓮歌散盡

煩君替譜念家山

洞庭山逆匪盤踞未退

凌忠介公遺像裔孫子與霞以摹本見示索詩謹

取嚴修能記公逸事賦成一律

大節無慚范景李邦儔鬚眉凜凜氣含秋生辭權相彈

章授死杜降臣薦牘投裘服中宵麾盜獻珠燈三日徇

親留髹工亦解憐忠骨我欲茗谿拜墓遊

聞貝大子木旅櫬南歸偶檢閱其壬戌癸亥兩年

吳門津門寄書賦此追悼卽題其劫餘小草後

迢遞天涯返一棺三年手札怕重看思親空羨徐元直

避賊終為管幼安

初因訪母園跡賊中旋卽到滬由海道北行就幕

身去祗餘

詩卷富魂歸仍趁海濤寒生還此日聞君到定復聯吟

補墜權

北行時有詩留別滬濱諸友同人皆疊韻贈行

郭曉樓照索題愛菊圖

誰繼柴桑隱高風愛菊聞能吟復能繪陶令欲輸君

君

詩并善寫花卉

家有遊仙詠東籬作散仙娛親得佳識益壽與延年

晉

璞作遊仙詩菊稱益壽花一名傅延年

林宅畫詩

卷下

三

佳色豔秋霞宜栽處士家莫訛金穴在滿院是黃花漢郭

況家富稱金穴

身抱秋花癖隨花入畫來王宏同結隱應約共銜杯王君

允卿寓君家圖是其手筆

故鄉老屋已被毀盡偶憶及之感賦

亂後家惟餘片壤夢中身忽返衡門已拌蹤蹟江湖老

安用胸懷塊壘存三徑本無彭澤願萬間虛說杜陵恩

遽廬天地年來意此景難施筆墨痕時方見凌君子與秋風破屋圖冊亦

因懷故居而作故有結語

偕同人校刊半行庵遺詩既成慨念子木生平附

書一詩卷尾

中年抑塞能增氣杜詩艱危氣益增末路飄零更助才駿骨真

看酬善價蛾眉豈料負良媒癸亥春中丞李公薦君於直隸制府劉公幕司章奏

在途病卒制府命屬吏妥為殯殮身甘殉母生原贅名

待詩傳志已灰琢玉坊前一編出交情祇此報泉臺尙有

咄咄吟二卷因贊竭未同刻

題齊玉溪學裘見聞隨筆

彭氏感應錄藹臺大台希凍梁家勸戒編敬叔觀察恭辰箸書心共證

覺世理能宣游覽兼懷舊行吟總慕賢兼載游歷投贈之作白頭

重握手展卷亦前緣道光壬寅與君相識今滬上重逢溯昔已二十六年矣

林花齋詩 卷下

劉泖生刺史屬題其師王韞翁夢劉圖余近年本
戒詩不作而感念舊交不能無言率書二十八字
歸之亦以了十餘年前宿逋勿計其工拙也

古人說夢分因想因想皆空夢太奇可惜詩翁成大覺

難將夢旨釋羣疑

藝海珠塵中有夢占逸旨
一書第四語旨字本此

為查蕉垞光題紅豆樓詩集

蕉垞博聞多識壹志著書熟於國朝掌故蒐

討三吳文獻尤深曩歲戊午偕程君序伯過余
楸花盦年未弱冠斐然成章余雅重其人嗣以
兵塵間阻蹤跡多疏僅一遇於申江不見者又

六年矣今春余返里門過從始密論文談藝謬
以老馬為識塗因從余問字修弟子禮甚慕余
媿無益於人徒以小詩為朋舊所推君遂索余
詩錄副更為搜取佚篇殷殷補訂既賦新詩見
貽又以舊藁待質其詩風格高華時露沉雄之
氣未嘗規仿一家亦不專守初白庵宗法余擇
其尤雅者采入所見錄以志文字因緣並題十
絕句酬之

十年舊雨感前塵亂後重逢意倍親為慕碧城壇坫盛
來尋壻水選詩人

君愛讀頤道堂詩以余嘗為
陳雲翁選精華錄因來問字

憶自禪寮識面初還借夢隱訪幽居重談往事懷高誼

曾借傳家舊 賜書始遇君於通濟庵即借序伯過訪訂交君家先世賜書假讀多種

夢隱序伯自號

申江贈別為游梁烽火驚心客路長歷徧荆襄爭戰地

尋詩到處滿奚囊壬戌在滬相見君將為大梁之游由長江假道楚北以往

揮毫磨盾清河東羽檄紛馳戰血紅辛苦從征違壯志

空留翰畧在軍中君從軍襄宛間被圍半月糧盡勢甚危君設計與諸將士力戰解之以手指中礮傷不克作書謝去後竟不獲敘勞

燈火宣南話昔游詩壇高會儘風流佳名已占查秋樹

甲子赴試京兆入宣南詩社以秋樹詩得名同社呼為查秋樹又為梅花管六浮君舊號梅

隱愛查山六浮閣探梅之勝又署六浮山民

東吳紅豆最知名經苑詞場湖惠彭謂硯溪大令榜畧

樓頭銘座右更栽雙樹寄幽情君慕兩家經義文章故以紅豆署其樓並撰樓

銘又從彭氏樹分植兩本以實其名

解溪卜築又駕湖世澤清芬兩地俱拋盡林園好煙水

全家常傍小交蘆君家禾中竹素園已毀惟葑溪老屋尚存小交蘆在城東清道橋之南宋元章簡公絳宅後水名見玉堂集君居水北有詩考證甚詳足補志乘之缺

後果前因有夢徵知君夙世本高僧天生慧業超凡俗

文字禪參最上乘君前身為黃山漸江僧事載其先德又山侍御躋齋集中秋感夢詩注

石稜詩派少真傳初白先生少年自署石稜居士並世欣逢有後賢若

自署石稜居士

更旁參甌北說查山應復繼查田甌北詩話獨取初白
初白更名後號
查山君近號

替搜逸稟證遺聞翰墨緣深近數君何幸生逢丁敬禮

定文可託恨無文君仿宇文紹奕撰石林燕語考

張研孫茂才傳硯堂集付梓有日感題一詩

昌黎哭到殿中君余猶及見君大父蒔塘回首詞場感

夕曛才士名惟爭沒世故交誼在重遺文謂潘偉如石

空期手澤兒孫護君二子近年先賴有心香弟子焚徐

賦秋藏從此江湖傳小集雙鬟定與唱殷勤君

古吳郡廟西首
謝文翰齋刻印

